



Casi 70 persona deteni durante fin di siman den evento di Carnaval

Pagina 3

- **Candela catastrofico ta laga por lo menos 51 morto na Chile**

Pagina 10

- **Curaçao Medical Center ta furioso despues di investigacion riba morto di pashent**

Pagina 8

- **Otmar Oduber: Por privatisa, independisa y fusiona departamentonan di gobierno**

Pagina 3

Parada di mucha San Nicolas yena cu luho y ambiente



Pagina 2

Merca y Reino Uni ta ataca Houthinan na Yemen den un ola nobo di represalia



Pagina 23

El Salvador: Eleccion presidencial cu victoria di 'e dictador mas cool di mundo' casi sigura



Pagina 11

CARNIVAL

BINGO

\$35,372

PROGRESSIVE

MONDAY, FEBRUARY 12 | 1PM

8 Games to Play! \$7 for 4 Cards!

Progressive within 51 Calls Progressive within 52 Calls Progressive within 53+ Calls

\$500 \$300 \$200

Special Door Prizes
\$1,500 in Total Payouts!

Double your prize with **POWERBALL B12!**

*Progressive within 50 calls, amount unless hit before 2/12/24. **Except on Progressive.

BINGO Games and Prizes

Game 1	Letter X	\$100
Game 2	Large Diamonds	\$100
Game 3	Lucky 7	\$100
Game 4	Letter H	\$100
30 Minute Break / Pick 5 Winners		
Game 5	+ or Cross	\$200
Game 6	Postage Stamps	\$200
Game 7	Letter T	\$200
Game 8	Full Card	\$500

Alhambra

CASINO AND SHOPS

Open daily 10am to 3am | J.E. Irausquin Blvd #47 | 583.5000 | casinoalhambra.com

Play Responsibly. Visit www.gamblersanonymous.org if you or someone you know has a gambling problem.

Parada di mucha San Nicolas yena cu luho y ambiente

Ayera tardi den cayanan di San Nicolas e muchanan a jump ariba musica di carnaval y a disfruta di e ultimo parada pa mucha di Carnaval 70. Ambiente di carnaval, luho y creatividad no tabata falta y asina pueblo di Aruba a disfruta di un tremendo parada di mucha.

Un total di seis grupo a participa den e parada. Centro di Bario Noord a habri parada hunto cu Reina Infantil di Aruba su Carnaval, Xeena Dijkhof. Hunto cu Centro di Bario Noord tabatin diferente scol cu tambe a uni na e celebracion di Carnaval

Champange Kids Carnival Group tabata grupo dos cu nan tema Universal Studios. Fantasia y luho a resalta na unda e muchanan a difrasi di e diferente personahenan di caricatura di e peliculan di Universal.

Grupo number tres tabata Don Flip Carnival Group cu tabatin e tema di Amazonia. Rindiendo homenahe na naturalesa e muchanan a presenta trahenan yen di color y fantasia.

TOB Kids tabata grupo number cuater cu a luci e tema di e pelicula Coco. Trahanan briyante cu carosanan luhoso a resalta y cu a representa e diferente aspectonan di e pelicula Coco hopi bunita.

Grupo cinco tabata Little Groovers Carnival Group cu e aña aki tabatin como tema e pelicula infantil Inside Out. E grupo a luci trahenan hopi bunita cu a trece pa dialnti e diferente temanan di e pelicula y ambiente di carnaval no tabata falta.

Empire Kids a cera e parada cu nan tema Sapate. Un grupo cu pa prome biaha ta participa den parada di carnaval di mucha y cu a luci ariba caminda. Carosanan luhoso y creativo a resalta y e muchanan contento disfrasana e diferente estilonan di sapato.

Manera ta tradicion despues di Parada di Mucha na San Nicolas tin kimamento di momito pa asina dispidi di e paradanan di mucha di carnaval. Aruba completo a disfruta di un parada cu hopi alegria, fantasia, creatividad y luho.



Casi 70 persona deteni durante fin di siman den evento di Carnaval

Fin di siman ultimo, Cuerpo Policial di Aruba tabata man yen debi na Jouve Morning y Lighting Parade, unda controlnan y listramento a tuma luga, loke a duna como resultado 68 persona deteni pa diferente motibo, manera posesion di droga, buracheria, bringamento, core auto bao influencia, entre otro.

21 detencion pa Jouvert Morning

Mediante informacion obteni door di Cuerpo Policial, a bira conoci cu diasabra ultimo pa 3or di mainta SMAC conhunt-

amente cu KPA a duna inicio na Jouvert Morning 2024.

KPA a conta cu 138 personal riba pia unda diferente departamento di Cuerpo Policial a traha hunto, entre otro, Mobile Eenheid, Flex Team, Polis Uniforma, Departamento di Recherche, Personal administrativo, departamento di trafico y planologie, AE, K9 Unit, Mobiel Commando y como tambe personal di CEA.

Pa 7:44 mainta e cabes di e parada a yega Joe Laveist y pa 8:14 parada a yega su final.



E aña aki tabatin 21 detencion di cual 6 a bay pa departamento di recherche.

E detencionnan tabata basa riba droga, arma blanco, bringamento, buracheria y no sigui ordo di polis. Aña 2023 tabata tin 19 detencion.

14 chauffeur deteni despues di Jouvert Morning

Durante y despues di Jouvert Morning, unidad motorisa a tene nan control di trafico na diferente puntonan strategico rond nos isla, na unda a controla mas cu 200 vehiculo di motor y a detene 14 chauffeur pa maneha bao di influencia di alcohol.

Durante e control aki, 12 chauffeur a perde nan rijbewijs "ingevorderd" y nan lo mester presenta dilanti hues pa trata

nan caso. Dos di nan no tabata tin rijbewijs mes. Aña 2023 tabatin 24 detencion.

Lighting Parade cu 18 detencion

Diasabra anochi pa 7:59, Cuerpo Policial conhuntamente cu SMAC a haci inicio di e Lighting Parade, unda e anochi aki tabata tin un total di 9 grupo y 4.201 participante.

Cuerpo Policial a conta cu 201 personal, entre otro Polis Uniforma, ME, AE, departamento di recherche, Motor Unit, K-9, departamento di trafico,, Mobiel Commando, departamento di planologie, personal administrativo y como tambe personal di CEA.

Pa 0057 e cabes a yega EXDOW y pa 03:15 di diadomingo madruga e parada a

yega final.

E aña aki nan a conta cu 18 detencion, pa motibo di posesion di droga, arma blanco, bringamento, no sigui ordo di polis, buracheria. Aña 2023 tabata tin 12 detencion.

Unidad motorisa cu 15 detencion

Unidad Motorisa despues di Lighting Parade a tene control pa cu maneho bao influencia di alcohol. Nan a informa cu mas cu 150 auto a ser controla y un total di 15 persona a keda deteni pa maneha auto bao influencia di alcohol, e resultado ta cu 13 chauffeur a perde nan rijbewijs "ingevorderd".

Nan a sigura cu controlnan di unidad motorisa lo continua durante y despues di cada evento di carnaval.

Comentarionan riba rednan social ta señala mayornan irresponsabel cu a bay cu nan yiunan chikito parada di Jouvert

Ariba rednan social, varios usuario a comenta ariba e hecho cu nan a mira algun mayor irresponsabel ta bay cu nan yiunan chikito na paradanan cu no ta pa mucha, entre otro Jouvert Morning.

Ariba e red social Facebook, varios persona a publica tocante algun situacion lamentable cu ta envolver mayornan irresponsabel cu ta bay cu nan yiunan chikito paradanan cu no ta di mucha. Diabierna manece diasabra a tuma luga e famoso Jouvert Morning y algun persona a publica cu nan wak algun mayor cu muchanan chikito, hasta baby, na e popular evento aki.

"Hopi erg. Ami ta haya niun parada grandi bo mester bay cu baby chikito. Con bo tin curason pa haci algo asina? Increibel," un usuario a comenta.

"Anto ora algo bay robes, TUR HENDE POR YUDA, excepto nan mes como mayor! Y hera nan tin e descaro pa culpa cu ta otro ta haci abuso di mucha cu nan yiu, sin wak nan mes prome," otro usuario a indica.

"Amor pa jouve ta mas grandi cu amor pa nan propio yiu"; "Ami ta haya si wak un mayor cu un baby na carnaval un boet 1000 fls bay ariba"; "Esey ta otro forma di abuso di mucha," ta algun di e otro

comentarionan ariba e tema aki.

Esaki ta un tema cu tur temporada di carnaval ta bin pa dilanti y ta capta atencion, pasobra despues di tanto aña y tur e informacion ariba cuida di mucha, ainda tin mayor cu ta haci esaki.

Prome cu temporada di carnaval cuminsa, hopi fundacion dedica na cuida di mucha ta haci diferente campaña, ta publica contenido y ta hasta parti bukinan informativo na publico y na scolnan pa conscientisa mayornan ariba e tema di cuida di mucha durante e temporada di carnaval.



Ta lamentable cu ainda, a pesar di tur e esfuersonan aki, tin mayornan cu ta hiba nan

yiunan chikito na paradanan di adulto y pone nan den un cantidad di peliger.

Departamento di Enseñansa Aruba cu encuentro pa Alfabetisacion na Papiamento

Mayornan cu tin yiu chikito cu na 2024-2025 lo drenta klas uno (1) di scol primario, lo ripara un cambio na scol. Desde otro aña escolar lo marca e inicio di Alfabetisacion na Papiamento den klas 1 di e scolnan primario, na unda tur mucha cu drenta klas uno (1) di scol primario lo siña lesa y skirbi na Papiamento, anto siña Hulandes na un forma cu ta pas cu e mucha cu ta biba na Aruba.

Pa sostene e Directivanan di scol y nan scolnan pa haci e cambio aki, Departamento di Enseñansa Aruba (DEA) conhuntamente cu Centro di Desaroyo Profesional Continuo (CDPC) di Instituto Pedagogico Arubano (IPA), ta organisa seis (6) encuentro cu cabesante di scol y maestro di klas uno (1). Durante e encuentronan aki ta enfoca riba diferente aspecto importante relaciona cu e preparacion di e cabesante y e maestro pa cu e introduccion di siña lesa y skirbi na Papiamento y e acercamento nobo di Hulandes como materia.

E participante lo asisti na diferente tayer pa engrandec nan conocemento y profundisa nan mes riba e diferente aspectonan di e cambio. Banda di e tayernan, ta forma grupo chikito na unda cada grupo



lo traha un plan. Dicho plan lo yuda cada grupo prepara debidamente pa e introduccion di siña lesa y skirbi na Papiamento y e acercamento nobo di Hulandes.

Diabierna ultimo (19 januari 2024) a tuma lugar e di dos encuentro cu a cana den hopi bon ambiente. Por a nota cu tin comprendemento di e cambio, animo y dinamismo creciente bou esnan presente. E informacion brinda ta pa yuda duna cabesante y maestro claridad y un mihor bista riba kico e cambio aki ta nifica den practica. Ta trata

entre otro e material educativo pa Papiamento y Hulandes cu pais Aruba ta pone disponibel y e diferencia y similaridad entre siña lesa y skirbi na Papiamento cu siña lesa y skirbi na Hulandes. Na augustus 2024 e mucha cu ta den klas 1 lo haya e oportunidad di siña lesa y skirbi na Papiamento y lo siña Hulandes na un forma adecua pa un mucha cu ta biba den e comunidad multilingual di Aruba.

Di parti di DEA y CDPC ta gradici tur esnan cu a participa, pa nan tremendo empeño y tin tur confiansa cu lo sigui



dal stap den bon direccion den e siguiente encuentronan.

Pa mas informacion relaciona cu Enseñansa na Aruba por acudi na nos website www.ea.aw.

Tambe por sigui nos den social media via nos facebook y instagram pages @educacionaruba pa keda na altura di tur informacion.

Otmar Oduber

Departamentonan di gobierno por wordo privatiza, independisa y fusiona

Plataforma Nos Pais a manda un carta pa Prome Minister solicitando pa bin cu un dialogo nacional riba reduccion di gasto di gobierno. Den e cuadro aki el a presenta diferente posibilidadnan cu por wordo realisa cu efectonan positivo. Entre esakinan privatisacion, independisacion y fusion di algun departamento di gobierno y tambe un maneho mas eficiente di edificacion di gobierno.

E Plataforma ta indica cu aparato gubernamental ta demasiado grandi, tin demasiado departamento y instancia cu ta obsoleto, departamentonan cu por wordo privatiza, departamentonan cu por wordo independisa y un cantidad di departamento cu

por wordo fusiona, es decir, pone nan bao di e mesun cabes. Ehempel di esaki ta ANSA, a saca Departamento di Control di Trafico Aereo for di Directie Luchtvaart, a independisa e y awe por mira con exitoso e ta.

“Hopi biaha politiconan no ta haci pasobra tin miedo di perde voto, pero por mira cu den e caso di ANSA, ATA Sui Generis, Elmar, Setar y WEB, no solamente ta reduci gasto den gobierno, pero mas cu tur ta crea un eficiencia enorme den e instancianan aki mirando cu nan ta wordo maneha na un forma mas productivo”.

Otmar Oduber ta bisa cu independisacion por tuma luga sin cu e ta un menasa pa e trahado, al contrario, e empleadonan a bay dilanti.



Ademas, e instancianan ta funciona exitosamente y tin un cantidad di caminda unda cu por corta vet, reduciendo e aparato di gobierno.

E di dos punto menciona den e carta ta pa tin un maneho mas eficiente di edificacion di gobierno. Na e momen-

tonan aki gobierno tin casi 30 edificio para entre 1 cu 25 aña, incluyendo scolnan. E edificacion aki tin un balor di mas cu 280 miyon Florin y nan ta para, mientras cu ta huur otro edificacion, algo cu ta irresponsabel.

Oduber a laga e ley di APF (Aruba Property Fund) atras

cu a pasa Raad van Advies y ta cla pa bay Parlamento. Pa medio di e ley aki ta crea un NV nobo di gobierno den cual ta hinca tur e edificacionnan aki. E NV ta haci su prestamo(nan) riba mercado y ta drecha nan poco poco y dje ta percura pa nan wordo gehuur na un prijs reduci cu gobierno of por huur nan of bende nan cu sector priva, creando entrada pa gobierno y reduciendo e gastonan di huur.

E asunto di huurmento di edificio di gobierno ta algo cu ta wordo scucha pa añanan caba y a yega ora pa gara e toro na su cacho y para tras di un maneho cu no ta conta pa e gobierno cu ta na mando so, pero pa tur gobierno cu lo bin den futuro.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstrop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Dia 4 di februari tabata Dia Mundial Contra Cancer cu e lema "Pa un cuidu mas husto"



Cada 4 di februari, Dia Mundial contra tur tipo di Cancer ta un iniciativa di union lidera pa Union Internacional Contra Cancer (UICC) pa aumenta conscientisacion na nivel mundial, mehora educacion y haci impulso di e accion personal, colectivo, gubernamental, pa tur traha hunto y imagina un mundo den cual miyones di morto evitabel pa cancer no ta existi y na unda e acceso na tratamiento pa salba bida ta igual pa tur hende.

Dia mundial contra Cancer crea na aña 2000 a crece asina tanto cu a bira un movimiento positivo cu cada aña tin centenar di actividad rond mundo y ta reuni comunidadnan, organisacionnan y personanan pa actua manera un recordatorio poderoso di cu tur tin un rol pa desempeña y asina reduci e



impacto mundial di cancer. Organizacion Panamericano di Salud (PAHO) pa aña 2024 a pone como lema "Pa un cuidu mas husto" y ta haci un yamada pa uni e bosnan y actua.

Na nivel mundial, por a calcula cu tabatin 19.9 miyon di caso nobo di cancer y 10 miyon di morto debi na e malesa aki. E carga di cancer ta bay aumenta aproximadamente un 60% durante e proximo dos

decada, loke ta bay afecta ainda mas e sistemanan di salud, e personanan y comunidadnan, segun PAHO ta indica riba su website.

Na 2022, por a calcula cu 4.2 miyon persona a ser diagnostica y 1.4 miyon di nan a muri. Aproximadamente, 54% di e casonan nobo di cancer y e 45.1% di e mortonan ta sucede den personanan di 69 aña bay ariba of mas hoben.

Igualmente PAHO ta destaca eCodigo Latino Americano y Caribeño Contra Cancer na unda specialistanan den materia y representantenan di asociacion civil tanto di Latino America y Caribe a check e evidencia cientifico y ta recomenda 17 accion cu por haci cu personanan por preveni cancer: No huma, mantene e cas liber di sigaria, mantene un peso saludabel, haci actividad fisico, come saludabel, evita consumo di alcohol, duna lechi di pecho, protehe di solo usando un sunscreen, evita acumulacion di huma ora ta cushina den cas, si ta existi un contaminacion di aire por

limita e tempo cu ta pasa den aire liber, informa den trabao riba e substancianan cu por produci cancer y adopta e medidanan di prevencion, infeccion di e bacteria Helicobacter pylori por causa cancer den stoma, infeccion pa virus manera Hepatitis B, C, VPH, y HIV tambe por causa cancer.

Esakinan ta trata di recomendacionnan basa den evidencia cientifico solido mas reciente adapta na scenarionan comun na Latino America y Caribe.

Na Aruba tin varios instancia y fundacionnan cu pa varios aña ta bin trahando pa loke ta trata prevencion di e malesa aki y otronan enfoca riba asistencia pa e pashentnan diagnostica caba, un di nan ta Stichting BOB Aruba ken mediante un reciente comunicado pa prensa a informa cu desde 2019 estadistica ta duna di conoce cu tin un aumento den participacion na e programa di screening di pecho.

Esaki ta principalmente danki na e reaccion positivo di pueblo ariba nan yamadan di telefon, unda cu antes tabata manda carta solamente. Ademas a amplia den capacidad di BOB Aruba su tecniconan, unda cu awor por screen mas cliente pa dia y tambe por screen pafo di ora di oficina, den oranan di atardi te cu 7or y ariba diasabra mainta.

Interesante pa menciona ta cu e total cu BOB Aruba a referi na dokter di cas pa haci mas investigacion ta entre 3 pa 5 %. Esaki ta un estadística aceptabel y comparabel cu estadisticanan internacional.

Danki na e experiencia cu BOB Aruba tin cu e programa di screening di cancer di pecho, nan ta forma parti di e comision cu ta traha riba e expansion di programa di screening na Aruba. Na Augustus 2023, a lanta un comision informal yama: "Uitbreiding Bevolkingsonderzoek", cu ta un colaboracion entre BOB Aruba, HOH, CORESA, AZV, DVG y HAVA. E meta di e comision aki ta pa den 2024 studia, evalua y concretisa e posibilidadnan pa ampliacion di e programa di screening di Aruba.



Parlamentario independiente mr. Gerlien Croes:

Colectando na plach'i number pa paga interes di debe firma pa Minister President cu Hulanda

Mas e ciudadano tin cu paga na Departamento di Impuesto, mas atencion ta pone na unda e recurson- an aki ta bay y mas critico e ta bira di con ta maneha fondo publico.

Aplicacion di diferente cambio como parti di e Reforma Fiscal, por ehempel, aumento di BBO y BBO na Frontera, ta generando; no di awo, pero for di varios aña caba, entrada adicional pa caha di gobierno. Sinembargo, e contribuyente ta wak con servicio publico manera salud y educacion ta costa mas, con infraestructura ta den decadencia, mientras



cu corrupcion den aparato publico ta continua cu impunidad. Den pasado, parlamentario

independiente mr. Gerlien Croes a menciona con Gabinete Wever-Croes I y II a ricibi centenares di miyones di florin extra, y asina mes kier kita mas y mas. Ta hustifica esaki cu e ayudo cu a duna durante pandemia, mientras cu na mesun momento ta gaba con bon economia a bons bek riba nos isla; un ponencia contradictorio.

Siman pasa tabata e fecha limite pa pago di plachi di number pa aña 2024. Solamente na esnan cu tabata pendiente pa paga ainda na comienso di siman, esta rond di 70 mil contribuyente, se-

gun Departamento di Impuesto, lo recauda 21 miyon florin. Esey ta djis un tercer parti di loke Aruba lo mester paga e aña aki na Hulanda, solamente pa cubri interes 2024, pasobra esey ta loke Prome Minister Evelyn Wever-Croes a negocia y firma, comprometiendo nos tur 2 luna atras.

“Pueblo ta cuminsa paga e aña aki pa su autonomia cu e minister presidente a entrega dia 13 di november 2020 ora el a firma cu Knops,” asina Parlamentario independiente a comenta. Pa despues el a purba nenga di cumpli cu e

acuerdo y ora cu no a logra burla e Hulandesnan, at’e dos luna pasa, cu rabo mey mey su pia, e mester a firma na e kruisje, pero e biaha aki na un interes mas halto (6.9%) como straf di su incumplimiento. Sinembargo e straf ey no ta pa Wever-Croes carga, si no pa henter pueblo di Aruba paga pa su tactica cu a faya.

Parlamentario Croes ta cuestiona con esaki no ta preocupa ni Wever-Croes ni ningun miembro di su gabinete of miembronan di coalicion den Parlamento cu ta sigui para tras di e malmaneho financiero di Pais Aruba.

Minister Geoffrey Wever:

Digitalisacion di proceso di vestigingsvergunning ta dunando su fruto

Desde inicio di gobernacion Minister Geoffrey Wever y Departamento di Asuntonan Economico, Comercio y Industria (DEZHI) tabatin e meta pa mehora e proceso di habri un negoshi na Aruba.

Asina aki hopi instancia experimental a bay over na digitalisacion unda cu e cliente no tur ora mester acudi personal, pero por regla hopi cos online. Asina aki DEZHI a conduci un encuesta (survey) pa haya sa con satisfecho cliente nan ta cu e servicio brinda personal y digital di

DEZHI relaciona cu vestigingsvergunningen, pues permisionan pa negoshi.

Por nota cu tur esnan cu a participa na e survey aki alrededor di 80% ta satisfecho cu e servicio brinda como tambe e experiencia di haya e informacion nan debido via e website di DEZHI, segun a informa den un comunicado di gobierno.

Door di e digitalisacion tambe awor DEZHI ta duna permisionan hopi mas rapido. Awor un comerciante por tin su permisionan ya caba den 2 pa 4 siman dependiendo di

e complehidad di e peticion/bedrijfsactiviteit/doelstelling of cantidad di directornan.

DEZHI lo bay keda haci survey nan asina pa keda monitor y mehora nan servicio unda cu mester.

“Mi ta contento di por tende cu e proceso di digitalisacion ta dunando su fruta nan,” Minister Wever a cuminsa ta bisa den e comunicado. “Parti di vision di nos Ministerio ta pa nos minimalisa red tape y optimalisa e servicio pa haci mas facil pa haci negoshi aki na Aruba.”



ELMAR y SETAR lo brinda Asistencia Personal pa guia cliente di SmartUp Prepaid y EV Chargeup pa cu uso di Pay.Aw app

Recien ELMAR y SETAR a introduci un opcion conveniente di pago pa SmartUp y ChargeUp riba Pay.Aw app di SETAR. E lansamento di pago digital via Pay.Aw tabata un introduccion di metodo adicional di pago di ELMAR, na banda di e otro metodonan di pago existente pa su clientenan cu ta prefera un transaccion personal.



ELMAR su meta ta keda pa ofrece su clientenan diferente opcion di pago considerando tur preferencia di su clientenan cu ta prefera transaccion online y su clientenan cu ta prefera un transaccion per-

sonal. Team ELMAR, en colaboracion cu Team SETAR, ta anuncia un Atardi di Informacion specialmente pa clientenan di SmartUp y Chargeup. E meta primario di

e atardi aki ta pa brinda e clientenan informacion valioso y asistencia pa crea un cuenta y domina e proceso di recarga nan meter SmartUp Prepaid y EV ChargeUp usando e app Pay.Aw di SETAR.

E evento lo tuma lugar diamars, 6 di februari, for di 5:00pm pa 8:00pm na Showroom di ELMAR Oranjestad. Clientenan di SmartUp y ChargeUp ta bonbini pa pasa cualkier momento durante e evento.

Durante e atardi, e asistencianan ta inclui:

- Asistencia pa crea un cuenta riba e Pay.Aw app
- Comprendemento di e beneficianan di e Pay.Aw app
- Guia paso-paso riba con pa recarga meter SmartUp of ChargeUp via e app
- Resolvi cualkier pregunta of preocupacion relaciona cu SmartUp y ChargeUp, y e app Pay.Aw.

E miembronan di Team ELMAR y Team SETAR lo ta disponibel pa brinda asistencia y sosten personalisa durante e atardi. E evento aki ta diseña pa duna e conocimiento y hermentanan necesario pa un experiencia sin problema. Nos ta encurasha tur cliente di SmartUp y ChargeUp pa marca nan calendario y bishita nos Atardi di Informacion aki. Hunto, nos lo inicia un caminda pa mas conveniencia y eficiencia cu SmartUp, ChargeUp y e app Pay.Aw.

Nos ta warda bo riba diamars, 6 di februari, na Showroom di ELMAR Oranjestad!

Dokternan no lo por yuda termina embarazo cu medicamento pa dia 1 di juli

(NLTimes) - Dokternan di cas no lo por receta pildonan cu muhenan na estado por usa pa termina nan embarazo, aunke nan tabatin den plan pa por cuminsa haci esaki for di dia 1 di juli. Esaki a ser atrasa segun e Minister di Salud a informa diabierna.

A causa di e caida di gabinete, e lo tuma mas tempo pa por

aregla su implementacion. Eerste Kamer Senado Hulandes, a aproba e proposicion den december di aña 2022, despues cu Tweede Kamer tambe a vota na fabor di esaki. E dokternan tabata di por provee un medicamento di aborto pa muhenan cu tabatin te hasta 9 siman di embarazo.

Esaki ta trata dos medicamento cu mester ser bebi

dentro di algun dia. E muhe mester bebe un pildo prome pa termina e embarazo y despues 4 pildo pa induci e parto. Dokternan di cas no ta obliga provee e medicamento nan mes pa motibo cu esaki ta considera cuida cu no ta standard, nan por nenga esaki tambe. E Minister di salud na e tempo aki, Ernst Kuipers, a anuncia den december cu e cambio den e ley probablemente lo dreña den efecto dia 1 di juli, pero esaki tabata "depende riba e plan" di e ordo administrativo general. Esaki ta un arreglo den cual e ley mester keda elabora mas.

Por ehempel, e ley ta declara cu solamente dokternan di cas cu un training ta permiti



provee e pildonan aki, e regulacionnan ta declara ki rekisitonan e training aki mester cumpli cune. Tambe e ta declara con e dokternan di cas mester registra e aborto.

Te ainda no ta cla ki tempo por provee e medicamenton-

an aki di aborto. E Ministerio lo anuncia esaki mas despues. Segun e asociacion nacional pa dokternan di cas LHV, esaki "lo no ta prome cu dia 1 di januari di aña 202." Te e tempo aki, e dokternan di cas no ta permiti duna e pildonan pa aborto.

Mas persona cu cancer; Diferencia grandi entre diagnostico trempan



(NLTimes) - Ana pasa, 128,000 pashent nobo a ser diagnostica cu cancer na Hulanda, 2000 persona mas compara cu aña 2022. Mas di 900,000 residente di Hulanda actualmente tin cancer segun Dutch Cancer Registry, publica den e Integrated Cancer Center di Hulanda (IKNL) prome cu Dia Mundial di Cancer.

Segun IKNL, e aumento den diagnostico di cancer aña pasa tabata anticipa basa riba Hulanda su crecimiento di poblacion y poblacion cu ta birando mas grandi. IKNL a nota diferencia importante den ki etapa cancer ta ser diagnostica. Cancernan cu sintomanan tempran y visibel, manera un abnormalidad den e cuero visibel pa cancer di cuero of un bala cu por sinti na e pecho, ta hopi mas biaha gara na un etapa mas faborabel. Cancer di organonan interno, cual ta demostra sintomanan na un etapa mas laat, hopi biaha no ta ser ripara te ora cu tratamento no lo yuda hopi.

Mas o menos 70 por ciento di casonan di cuero, curpa uterino y thyroid ta diagnostica na un etapa faborabel. Esaki tambe ta aplica na mas o menos mita di cancernan di pecho, cervix y prostata. Sinembargo un diagnosis tempran pa cancer di garganta, stoma y pancreas ta tuma luga den solamente 10 por ciento di e casonan.

Segun IKNL, evaluacion y test den e poblacion ta contribui significativamente na diagnosis tempran. E proporcion di diagnosis tempran pa cancer di pecho a aumenta for di 28 por ciento na fin di aña 1980 te na 45 por ciento den aña 2022 danki na e evaluacion y test den poblacion y mas conscientisacion. Pa cancer di colon, e aumento tabata di 19 pa 25 por ciento.



Interne en externe vacature (herhaalde oproep)

Wil jij de nieuwe projectleider, specialist of leidinggevende van de Brandweer worden? Kom dan de Dienst Brandweer Aruba versterken. Wij zijn op zoek naar 2 kandidaten (v/m) voor de:

Voltijdse opleiding Brandweerofficier **36 uur per week in Nederland**

De voornaamste taken van de Dienst Brandweer zijn het voorkomen, beperken en bestrijden van brand, brandgevaar en ongevallen bij brand en het beperken en bestrijden van gevaar voor mensen en dieren bij ongevallen die niet gerelateerd zijn aan brand.

In de voltijdse opleiding die in september 2024 van start gaat en anderhalf jaar duurt, word je opgeleid tot brandweerofficier. Je wordt breed opgeleid en leert in korte tijd verschillende facetten van de brandweermanorganisatie kennen. Daarbij is gekozen voor een integrale onderwijsaanpak. Dat wil zeggen dat nadrukkelijk verbanden worden gelegd tussen de verschillende disciplines waarvoor je wordt opgeleid en er aandacht is voor leiderschapsrollen, persoonlijke ontwikkeling en professionele ontwikkeling.

Functievereisten en competenties: Je bent

- in het bezit van een hbo- of wo-diploma
- ten hoogste 35 jaar
- fysiek fit, je beschikt over zwemvaardigheid en hebt geen hoogte- of engtevrees
- in het bezit van rijbewijs B
- stressbestendig
- leergierig
- goed in het analyseren van problemen
- goed in het ontwikkelen van een visie
- omgevingsbewust.

Wat bieden wij jou?

- Gedurende de opleidingsperiode ontvang je onder andere een vergoeding voor studiekosten, reiskosten voor zowel heen- en terugreis, en een vergoeding voor huisvesting. Bovendien wordt de verschepping van je inboedel van 5 m² vergoed.
- Afhankelijk van je opleiding en werkervaring bieden wij een salaris tot maximaal Afl. 4.963, = (B05) zonder periodiek.

Schriftelijke reacties:

Wil je de opleiding tot brandweerofficier volgen en voldoe je aan de eisen? Stuur dan uiterlijk **vrijdag 16 februari 2024** digitaal je motivatiebrief en curriculum vitae gericht aan de heer German Geerman. Deze kun je sturen naar het e-mailadres vacatures@drh.gov.aw. Mocht je vragen hebben, dan kun je ons bereiken op telefoonnummer: +297- 522-9999.

Opmerking:

1. Zonder hbo-diploma (of hoger) of als je ouder bent dan 35 jaar, kunnen we je sollicitatie helaas niet in behandeling nemen.
2. indien je als geschikte kandidaat geselecteerd wordt, dien je met goed gevolg een fysieke keuring en een LTP-assessment af te leggen. Ook moet je beschikken over de Nederlandse nationaliteit en een positieve justitiële verklaring.

Curaçao Medical Center ta furioso cu Inspeccion despues di investigacion tocante fayecimento di pashent

(CuraçaoChronicle) - Curaçao Medical Center (CMC) a responde fuertemente na e conclusionnan di reportahe di Inspector General di Salud Publico, Serving Keli, tocante e fayecimento di un pashent na maart di aña 2021. E hospital ta distancia su mes completamente for di e resultadonan y ta acusa e Inspector General di "acusacionnan sin base, inapropia cu no ta profesional."

Den e reportahe, cual a ser

manda na Minister di Finanzas, Ambiente, Salud y Naturalesa Javier Silvania ken a comparti esaki riba rednan social, Dr. Keli ta conclui cu un pashent a fayece a causa di eror medico na CMC. Segun Keli, e pashent a fayece diripente despues cu a duna su persona un substancia cu no ta adecua pa flush un infusion.

Den contraste, CMC ta sigura cu ambos e comite di keho y e directiva disciplinario medico a declara caba cu no a duna e pashent ningun sub-

stancia toxico y cu e tabata un morto di causa natural. E conclusion aki tambe por ser mira den e autopsia y e investigacion di toxicologia. E hospital ta expresa preocupacion serio tocante e funcion independiente di e inspeccion y ta considerando pasonan pa tuma.

"CMC no lo acepta esaki," director di hospital Gilbert Martina, ken ta describi e acusacionnan como doloroso y preocupante.



Fondonan di Bientu y Campo Alegre te ainda no a ser deposita den fondo di crimen

(CuraçaoChronicle) - Curaçao su Crime Fund, designa pa financia proyectonan cu e meta di preveni y combati crimen, te ainda tin falta di ganashinan significante. E fondonan cu te ainda no a ser deposita ta inclui ganashinan di e caso Bientu, fondonan di un boet imponi na un banco local, ganashi for di e benta di Campo Alegre y boetnan colecta desde aña 2018 pa Ministerio di Finanzas.



E revelacion aki a ser haci pa e Minister di Husticia Shalten Hato, ken ta enfatisa cu ape-

sar di un presupuesto reserva di 975,100 florin Antiano pa aña 2024, e ausencia di e fondonan aki tin un impacto significante riba e fondo su habilidad di di logra su obhietivonan. E fondo di crimen ta hunga un rol crucial den sostene iniciativanan cu e meta di combati crimen riba e isla.

Den december, un protocol crucial a ser firma entre Ministerio Publico, Minister di Finanzas y Minister Hato. E protocol aki ta inclui acuerdonan riba e financiamiento di e Crime Fund, incluyendo

e garantia cu e ganashinan den futuro lo ta consistentemente contribui na e fondo. Sinembargo, e atraso den ricibi e fuentenan crucial aki di ingreso ta trece dilanti tocante implementacion di proyectonan plania.

Minister Hato a expresa su preocupacion tocante e situacion y a enfatisa e necesidad pa accion rapido pa sigura cu e ganashinan drenta e fondo lo mas pronto posibel.

Preocupacionnan dentro di PAR tocante economia a causa di Merca su rol cu PDVSA

(CuraçaoChronicle) - Partido Alternativa Real (PAR) a expresa su preocupacion tocante e consecucionnan di sancionnan recien di Merca contra Venezuela pa contractnan andando cu compania di petroleo Venezolano PDVSA. Esaki ta evidente for di e carta di miembro di PAR Quincy Girigorie na Prome Minister Pisas di e partido MFK.

E departamento di Estado Mericano a anuncia cu no lo renoba e licencia 44, complicando negoshinan cu Venezuela den e sector di petroleo y gas. Segun e anuncio, e sancionnan aki no lo afecta e acuerdo existente entre e Refineria di Korsou y PDVSA.

Esaki ta pa motibo cu e ta trata e pago di debenan cu ta pendiente sin pago financiero na PDVSA.

Girigorie a haci preguntanan na Pisas pa clarifica e implicacionnan pa Corsou y e decision for di Merca. E Minister mester indica, entre otro, si e ta altanto di e cancelacion di licencia number 44 y ki impacto esaki lo tin riba e contractnan entre Global Oil, Oryx Petroleum y PDVSA, specialmente pa e importacion di petroleo crudo pa proyectonan na Corsou.

E partido ta insisti riba un splicacion y ta haci yamado pa transparencia tocante e consecucionnan potencial riba e economia di Corsou.



WINAIR is looking for you!



EXECUTIVE ASSISTANT

Join Winair as an Executive Assistant! We're St. Maarten's successful airline, seeking a dynamic and motivated individual to support our CEO and CFO in administrative and executive tasks. As a key player in our team, you'll manage calendars, contribute to internal communications, and handle travel arrangements, among other responsibilities.

Key Responsibilities:

- Calendar management for the CEO & CFO.
- Proactively assisting with internal communication.
- Organizing meetings, events, and conferences, including minute-taking.
- Coordinating travel for the CEO/CFO and Supervisory Board.
- Providing excellent customer service and overseeing the reception area.

Qualifications:

- Minimum Havo high school diploma or equivalent.
- Three (3) years' experience in a similar position.
- Strong organizational skills and attention to detail.
- Excellent communication skills in English and Dutch.
- Ability to work independently and adapt to changing priorities.
- Reliable, integer, accurate, and discrete.
- Advanced skills in Microsoft Office Suite.
- Must have Dutch Nationality or permanent residence.

We offer an independent, autonomous role with an attractive remuneration package, providing ample opportunities for growth and development within the company.

MANAGER CUSTOMER SERVICE

Join the dynamic team at Winair as the Manager of Customer Service! As the successful airline of St. Maarten, Winair is on a growth trajectory, and we are investing in our employees to create an excellent workplace for ambitious professionals. We're seeking a motivated individual to take on the role of Customer Service Manager (CSM), responsible for leading and guiding our operational customer services teams.

Key Responsibilities:

- Oversee daily operations, including ticket office, check-in, passenger boarding, and administrative duties.
- Analyze customer service requirements through surveys and direct contact with customers.
- Investigate and resolve passenger problems, continually improving service quality.
- Organize, direct, and control personnel activities, initiating corrective actions when necessary.
- Maintain compliance with company policies and regulations, ensuring thorough familiarity.
- Collaborate with other department managers for seamless operations.

Qualifications:

- HBO or equivalent education in a related area.
- Minimum five years of airline and people management experience.
- Assertive, solution-oriented, with strong organizational skills.
- Preference for airline experience, but strong customer service management from the hotel industry is also accepted.

Join us in fostering high standards of passenger services and customer satisfaction. We offer an autonomous role with an attractive remuneration package and room for professional growth.

MANAGER DISPATCH & OPERATIONS CONTROL

Join the success story at Winair! We're the leading airline in St. Maarten, thriving in a dynamic international environment. With a workforce of 180 and exciting growth plans, we're investing in top talent to join us as the Manager of Dispatch and Operations Control.

In this key role, you'll lead the dispatch department. Responsibilities include managing dispatch activities, collaborating with various departments, and implementing strategies for on-time performance and safety. Your role involves handling operational incidents, providing feedback to employees, and fostering a positive team environment.

Qualifications:

- Bachelor's degree or equivalent experience
- FAA Aircraft Dispatch license (a plus)
- 5+ years in airline dispatch operations
- 2+ years of supervisory experience
- Knowledge of dispatch, airport operations, and airline policies
- Strong analytical and organizational skills
- PC proficiency in Microsoft Office
- Ability to work flexible hours, including weekends and holidays

We offer an autonomous role with an attractive remuneration package, providing opportunities for professional growth within our vibrant company.



Apply now and be part of Winair's exciting journey! Interested candidates can apply in writing with a motivation letter, resume, certificates/diplomas, proof of vaccination, passport copy, and residence document if applicable to humanresources@fly-winair.com, the deadline for application submission is February 12, 2024.

Candela catastrofico ta laga por lo menos 51 morto na Chile



(DW) – E fayecidonan den varios candela forestal registra na region di Valparaiso, ubica na 100 kilometer di Santiago, a subi te 51, segun fuentenan oficial a informa den ultimo oranan di diasabra.

Servicio medico legal a registra prome 45 morto, “pero tin seis persona mas cu a fayece den centronan asistencial,” sub-secretario di Interior, Manuel Monsalve a informa.

“Nos sa cu e victimanan ta bay aumenta,” e mandatario Chileno Gabriel Boric a bisa den un cadena nacional for di Palacio La Moneda unda por a mira cu e tabata afecta pa e situacion aki.

Un ultimo rapport di e minister di Interior, Carolina Toha, a reitera cu e number di mortonan “por ta hopi mas halto” cu e transcurso di e oranan. “Ainda nos tin un parti grandi di un teritorio cu no ta accesibel, como consecuencia nos no tin un number completo di victimanan.”

Boric a pidi na habitantenan di e areanan afecta pa atende e alertanan cu ta yega na telefon celular “nos mester ayudo di tur. Debi na yamada di evacuacion tin cu reaccion di biaha pasobra e candela ta expande hopi lihe: si e mensahe ta yega na boso ta pasobra mester evacua. Tur decision ta ser tuma pa expertonan den e materia.”

Ta trata di e candelanan mas mortifero den ultimo tempo na Chile y casi ta duplica e balans di candelanan di aña pasa, cu a kibra un record di fayecido cu 27 morto.

Te ayera diadomingo, tabatin cuatro candela

grandi activo na region di Valparaiso: dos na ciudad costero di Viña del Mar y otro dos na Quilpe y Quillota.

E candelanan devastador origina diabierna na e seronan cu ta rondia e ciudad di Viña del Mar ta sigui avansa y a alcanza sectornan industrial, na unda a registra varios explosion di almacen di kimico, fabricanan di pintura y otronan.

E explosion a genera un huma toxico preto na e denomina “ciudad hardin,” un di e puntonan mas turistico di Chile, cu cada zomer ta atrae miles di bishitante.

Pa facilita e labornan di rescate, pa paga e candelanan y mantene habri e vianan di evacuacion, Gobierno Chileno a ordena un toque de queda di 12 ora, for di 9or di anochi na sectornan cu te ainda no a ser evacua na localidad di Quilpe, Villa Alemana, Limache y Viña del Mar.

“Nos prioridad ta pa salba bida y pa esey nos mester dispone di tur red di salud publico y priva,” Boric a sigura y a reconoce cu tin sospecho cu e candelanan por a ser provoca.

“Pa boso sa cu ta bay investiga te ultimo consecucionan y cu tur recurso necesario.” El a bisa.

Aunke Chile a biba un di e winter cu mas yobidanan den ultimo 15 aña, specialistanan tin lunanan alertando cu segura no a caba ainda y cu ta existi un probabilidad grandi cu lo desaroya vegetacion fini y morto den e zona cu ta bira un vegetacion facil di coy candela.



Panama ta cuminsa campaña electoral memey di polemica pa candidatura di ex-presidente Martinelli

(Reuters) – Campaña electoral pa eleccion presidencial di luna di mei na Panama a cuminsa diasabra ultimo memey di un polemica pa e candidatura di ex-presidente Ricardo Martinelli, ken ta lider den preferencia electoral pero no por participa despues di un sentencia hudicial cu a confirma su condena pa labamento di placa.

Den e bispo, Corte Supremo di e pais Centro Americano a descarta un recurso introduci pa Martinelli y a confirma un sentencia dicta na 2023 di 128 luna di prison pa su rol den uso di fondonan publico pa cumpra un grupo di medianan y ricibi un participacion mayoritario.

Constitucion Panameño ta impedi na un persona condena na un castigo di prison di cinco aña of mas di yega na presidencia. Sinembargo, e ex-mandatario di 71 aña a bisa cu “te ainda” e por postula su mes.

“Pueblo Panameño, mi ta sigui lucha pa bo, mi no ta bay rindi; boso acompaña mi pa sigui lucha pa boso, no rindi,” Martinelli a skirbi diasabra ultimo riba su cuenta di e red social “X” den cual tambe a declara su mes inocente y un “victima di persecucion politico.”

Martinelli, un magnate di supermercadonan cu a goberna for di 2009 pa 2014, ta lider den e mayoria di encuesta pa votacion na mei. Despues ta sigui Martin Torrijos, presidente di e pais entre 2004 y 2009; Romulo Roux, ex-canciyer di Martinelli y ken a participa den presidencial anterior; y Ricardo Lombana, ex-consul na Washington y ken a keda di tres den eleccion di 2019. E otro cuatro candidato tin menos di 10% di apoyo.

Mas cu tres miyon Panameño ta habilita pa vota y tambe bay eligi e diputadonan di Asamblea Nacional, di Parlamento Centro Americano y otro autoridadnan pa periodo 2024-2029. Diabierna siman pasa, Tribunal Electoral a bisa cu ora lo caba cu tur tramite legal den Organo Hudicial, fiscalnan administrativo electoral ta bay solicita e inhabilitacion di e candidatura di Martinelli conforme cu e ley.

Martinelli, ken na 2018 a pasa cerca di un aña cera pa un caso di spionahe y di e cual a ser absolvi, e siman pasa a bisa cu “mi lo ta bay ta feliz y contento” di pasa su votonan na e candidato vice-presidente, Jose Raul Mulino, si e lo ser exclui, el a argumenta cu su partido tambe lo por gana e escenario ey.

Ecuador: Tension diplomatico cu Rusia tocante ekipo militar ta menasa exportacion di bacoba

(AP) — Un disputa diplomatico entre Ecuador y Rusia a parce di intensifica durante weekend despues cu e nacion Europeo a dicidi di prohibi algun importacion di bacoba for di Ecuador.

E dos pais ta den disputa recientemente despues cu Ecuador a dicidi di transferi algun di su ekipo militar Ruso bieu na Merca, a cambio di \$200 milyon den ekipo militar nobo.

Diasabra, agencia federal Ruso pa control veterinario y phytosanitario a anuncia cu ta prohibiendo importacion di cinco compania di bacoba Ecuatoriano, bisando cu a haya malesa den cargamentonan anterior di nan fruta.



Ecuador ta e exportador lider di bacoba na mundo, cu benta na balor di como \$3.5 bilyon na 2022. Como un di cinco parti di su benta anual ta bay pa Rusia. E decision di Rusia pa prohibi

algun importacion di bacoba a yega despues cu presidente Daniel Noboa a anuncia na januari cu Ecuador lo transferi varios ton di ekipo militar bieu traha na Rusia na Merca. Noboa a bisa cu ya no por a usa e ekipo mas, y a describie

como “chatarra” cu lo keda reemplasa cu ekipo nobo necesario pa combati e gangnan di droga cu ta terrorisando e pais.

Minister di Exterior Ruso a protesta e decision di Noboa, bisando cu ta viola un contract cu ta stipula cu Ecuador no por bende e ekipo na partidonan tercero sin permiso di Rusia.

Carlos Estarellas, un ex-vice minister di Asunto Exterior Ecuatoriano, a bisa cu e decision di Rusia di prohibi algun importacion di bacoba por ta den represalia pa e decision pa manda e ekipo militar bieu na Merca. “Por tin speransa cu por resolve e impasse aki mediante negociacionnan diplomatico,” Estarellas a bisa.

Richard Salazar, director di ACORBANEC, un di e asocionnan principal di exportador di bacoba di Ecuador, a bisa cu e tabata “sorprendi” pa e decision “drastico” di Rusia, maske el a agrega cu al menos 15 compania ta continua exportando bacoba na Rusia. “Ta un mercado hopi importante pa nos,” el a bisa, “y un mercado cu lo ta dificil pa reemplasa.”

Salazar a bisa cu su asociacion no a keda oficialmente notifica di e prohibicion, pero tabata buscando un reunion cu autoridadnan na Rusia pa atende e problema y purba di reverti e prohibicion.

Argentina: Legisladornan a aproba ley di reforma di Milei

(AP) — Camara di Diputado Argentino den weekend a aproba den termino general un ley di reforma proponi pa presidente liberario Javier Milei pa desregula e economia, surpasando un obtaculo pa e iniciativa amplio despues di tres dia di debate.

Pero e detayenan di e mas di 300 articulo di ley omnibus, incluyendo cambionan economico, administrativo, criminal y ambiental, ainda ta suheto na negociacion den e camara menor.

E iniciativa tambe mester haya aprobacion di Senado. Diabierna, legisladornan di camara menor a aproba e iniciativa di Milei cu 144 voto na favor y 109 contra. E camara ta bay den reces te mañan, ora e diputadonan ta bay cuminsa negocia e articulonnan individual den e legislacion.

Milei a gradici lidernan di oposicion cu a sostene e iniciativa, bisando cu “nan a compronde e contexto historico y a scoge pa caba cu e privilegionan di e casta y republica corporativo,

na favor di e pueblo, kende a keda den pobreza y tin hamber.” Mientras cu nan a aproba e legislacion omnibus den terminonnan general, algun legislador a expresa reserva tocante articulonnan relaciona cu privatisacion di companianan estatal y e delegacion di poder legislativo na e presidente. Otro articulonnan den e ley tin meta pa elimina control estatal riba economia, reforma sector administrativo, di salud y di educacion, y aumenta tarifa di servicio publico y utilities. Pushando e iniciativa door di e



legislatura a test e capacidad di negociacion di Milei, un economista cu tiki experiencia politico anterior kende a asumi su cargo dia 10 di december. Su partido La Libertad Avanza ta e di tres mas fuerte den Congreso y no tin asiento suficiente pa impone su agenda riba nan mes.

E presidente, kende ta describi su mes como un libertario y anarco-capitalista, a priminta pa reduci drasticamente gasto estatal pa carga un deficit den presupuesto di gobierno cu e ta bisa ta impulsando inflacion, cu a caba 2023 na 211%.



(AP) — Salvadoreñonan a vota den eleccion presidencial y legislativo ayera, cu hopi expresando boluntad pa laga un banda algun elemento di democracia si ta nifica stop violencia di gang.

Cu aprobacion enorme y virtualmente sin competencia, Nayib Bukele tabata casi sigur pa gana un di cinco termino di cinco aña como presidente. Despues di vota, el a combersa cu reporteronan, declarando cu e resultado di eleccion lo fungi como un

El Salvador a vota den eleccion presidencial unda ‘e dictador mas cool di mundo’ tin caminda habri pa gana

“referendum” riba su administracion.

Urnanan a cera pa 5pm, maske hende ainda den rij tabata permiti pa vota. Basa riba eleccionnan anterior, algun resultado preliminar tabata spera ayera laat.

Constitucion di El Salvador ta prohibi reeleccion. Asina mes, como ocho di cada dies votador ta sostene Bukele, segun un encuesta di januari di Universidad di Centro America. Esaki a pesar cu Bukele a tuma stapnan durante su prome termino cu abogado y criticonan ta bisa a corta den e sistema di checks

and balances di e pais. Despues cu su partido tabata victorioso den eleccion legislativo di 2021, e congreso recién eligi a reemplasa huesnan den corte constitucional cu huesnan leal. Despues nan a duna veredicto cu Bukele por a postula su mes pa un segundo termino a pesar di un prohibicion constitucional riba reeleccion.

Administracion di Bukele a aresta mas di 76mil persona desde cu un accion contra gang a cuminsa na maart di 2022. E arestonan masivo a ricibi critica pa falta di proceso debido, pero e Salvadoreñonan a retoma nan barion-

an cu pa largo tabata controla pa gangnan.

Bukele, cu ta describi su mes como ‘e dictador mas cool di mundo’, a gana fama pa su accion brutal contra gangnan, den cual mas cu 1% di poblacion di e pais a keda aresta.

Diadomingo atardi, Bukele a cana door di un multitud di sostenedornan pa vota bistiendo un camisa blauw y un pechi blanco. Sonriendo, Bukele y su esposa e tira nan voto den e caha mientras e hit di R.E.M. na 1987, “It’s the End of the World as We Know It (And I Feel Fine)” a zona riba speaker.

70 Alegria y Fantasia 70 Alegria y Fantasia

Cayanan di Oranjestad ilumina cu e magia di Lighting Parade di Carnaval 70!

Carnaval 70
SUPER SHOPPING
OOSTSTRAAT 6

Ta celebra Carnaval 70 mas hunto cu bo:
Nos tin stenchinan cu luz
Luz pa bo curpa
Copi cu luz
Spada y bañdo cu luz
Nos tin tur cos cu bo mester pa Carnaval: te hasta short, keds, T-shirt, jeans y hopi articulo mas!



Keke
CARNAVAL 70
Department Store
Cura Cabai

Tin bunita articulo pa e temporada di Carnaval tanto pa bo bisti y wak Carnaval of si bo participa den Carnaval.

Nos tin surtido di shorts, keds, sapato, accesorio, jeans, blusa, pechi, sombre y hopi mas articulo bunita pa e temporada.

SETAR N.V.
Celebrando **70 AÑA** di nos dushi **Carnaval**
Aruba su Carnaval si ta Dushi...

Bishita un di nos seis teleshopnan pa cualkier servicio
Tel. 525-1000 | customercare@setar.aw | www.setar.aw

Diasabra, Aruba a celebra e **Grand Lighting Parade** den Oranjestad den un despliegue di color, musica, baile y mas cu claro, hopi luz!

Mientras Aruba ta den pleno celebracion di Carnaval 70, un di e eventonan mas atractivo ta e Lighting Parade, ya cu e ta tuma lugar anochi den un atmosfera mas fresco. E aña aki, un total di nueve grupo di Carnaval a participa, cada un cu su tema unico y su colorman, pero tur den un ambiente di fiesta.

- E secuencia di grupo pa e parada tabata:**
1. TOB Carnival Group
 2. Infinity Carnival Group
 3. Royal Carnival Group
 4. Empire Carnival Group
 5. Champagne Carnival Group
 6. Dushi Carnival Group

7. Los Laga Bai Carnival Group
8. OPC Carnival Group
9. Carnival Group

E parada a cuminsa na Aruba Entertainment Center Dakota, siguiendo door di Avenida Milio Croes, Vondellaan, LG Smith Boulevard, y a termina na Turbo Rotonde Boulevard.

Si bo a perde e parada aki of kier mas, ainda tin e Lighting Parade na San Nicolas! Esaki ta bay tuma lugar diaranson awo, dia 7 di februari, cuminsando pa 8pm. E ruta ta bay keda anuncia den proximo dianan, pues keda pendiente. Y check e schedule pa no perde ningun di e actividadnan mas importante di Carnaval 70, cu ta bay culmina cu un weekend di parada na San Nicolas y Oranjestad.



"Giselle"
Department Store
Giselle ta cla pa fiesta di Carnaval 70

Pa mucha: Short, blusa, jumper, set di short, badpak, keds y sandalia.

Pa dama: Short di tela y di jeans, top cu spaghetti strap den tur color. Blusa, jeans largo, capri, sandalia, keds y hopi mas.

Pa cabayero: Varios color di bermuda, jeans, T-shirt, tank-top, keds y varios articulo mas.

Nos tin entre otro: Boa den varios color y prijs, hopi model di peluca den varios color largo y cortico. Mascara den varios model, cu luz y cu pluma, cadena di Mardi Gras den tur color pa mucha y hende grandi. Wimpers y lijim.

Armband y renchi dede y pa orga di luz Panty hose di net den diferente color. Mea te na rudia multicolor. Sticker di stench pa cara y den diferente color.

Corona grandi y chikito di Rhinestone y color di oro. Fasinador den hopi color y cu luz. Hopi estilo di disfras pa mucha y hende grandi.

Nos ta warda bo pa duna bo e mesun bon servicio manera semper cu Giselle ta conoci pe.

Tel. 586-7104 • Noord 55-A

BIG
Department Store

Ta invita bo bin wak y escohe e outfit cu bo ta desea di bisti pa e temporada di **CARNAVAL 70**

Tin jeans tur color y size y bunita style, keds cu bo por combina. Variacion di shorts y topnan, mea den diferente color, tas chikito cu ta ideal pa e temporada. Eyeshadow y hopi accesorios.

Tambe nos tin diferente outfit pa mucha, teens y hende grandi.

Sinti bo great bisti den Carnaval 70.

Hendrikstraat 8, O'Stad - Tanki Leendert-E

70 AÑA

Ta celebra Carnaval 70 cu bunita articulonon manera peluca, extension pa bo cabey, maquillaje di diferente marca manera e famoso Black Opal, Milani, Palladio, L'Oreal, Maybelline y mucho mas!

Tambe nos tin pintura di huña den diferente color, crema pa proteha pa solo, y hopi cos mas pa ofrece bo. Ta bo mes mester pasa pa bo wak y scoge na bo gusto!

Lucky Cosmetics
ARUBA
L.G. Smith Boulevard 124

Schedule di Carnaval

Diaranson 07 februari:
Parada di Luz San Nicolas pa 8pm.

Diabierna 09 februari:
Parada Escolar Oranjestad pa 10am;
Parada Escolar San Nicolas pa 10am.

Diasabra 10 februari:
Parada Grandi San Nicolas pa 11am.

Diadomingo 11 februari:
Parada Grandi Oranjestad pa 10am;
Kimamento di momo na Aruba Harbour Arena pa 7pm

Dialuna 12 februari:
Dialuna di Carnaval.



70 AÑA
ISLA DI CARNAVAL

Nos tey pa yuda bo cubri tur gastonan di Carnaval, Gosa y disfruta di e temporada aki.

De La Sallestraat | 583-4843
J.G. Emanstraat | 523-4848
Rockefellerstraat | 583-5556
Tanki-Flip, Shaba | 583-4800

island finance

CARNAVAL 70
Island Asia Store
Av. Milio Croes #122 | T. 583-8888 | (front of Price Smart)

Tin un surtido special pa Carnaval 70.

Nos tin jug di diferente tamaño
Blaas, accesorio, bril di solo, keds, sandal, mea, sapato, sweater y T-shirt.
Articulo pa bo fantasia di Carnaval y prijs pa tur cartera!

Cruz Cora a brinda asistencia na un dama cu a collapse durante e Lighting Parade



Dia Domingo madruga durante e Lighting Parade, Cruz Cora mester a brinda asistencia na un dama cu a collapse despues di cu e alcohol y no a alimenta su mes apropiadamente.

Cruz Cora a brinda ayudo na tur persona cu a bira malo durante e parada



Dia Sabra mainta e boluntarionan di Cruz Cora tabata yudando esnan cu di un of otro forma bira malo of victima di un of otro lesion den of na banda durante e parada. Aki por mira nan dunando asistencia na un di e victimanan cu tabatin mester di prome auxilio.

Durante Jouvert Morning un mucha muher a dal abao kap su cabes banda di Unicon



Dia Sabra madruga durante e Jouvert Morning Parade un mucha muher a cay y a kap su cabes, mersora polis a acerca pa yudansa. Sin embargo, e famia a rechasa esaki y nan a bisa cu nan mes lo atende cu e situacion aki.

Durante e Lighting Parade polis a detene hobennan cu droga y arma banda di Royal Plaza



Durante e controlnan den area di Royal Plaza polisnan a bin descubri hobennan cu droga y arma tur esnan cu tabata tin esakinan den nan poder a ser deteni.


E multitud participante tabata reclama dicon nan no por jump dilanti e trucknan di musica

Durante e parada di Jouvert Morning, hopi ta esnan cu a reclama dicon e bandanan no por a usa e speakernan dilanti y paki-co nan no por jump dilanti e trucknan di musica.

Esaki pa e simpel motibo cu a bin ta ripara cu esnan cu ta jump dilanti e trucknan ta slow e parada na nan antoho y esaki ta tranca e movencion y ta cay laat di e tempo palabra.



“Roadrage” riba Watty Vos Boulevard a termina cu detencion na Tanki Leendert



Diahuebs anochi a drenta informe di cu lo tin un “roadrage” riba Watty Vos Boulevard cu a termina dilanti Cadushi Supermarket na Tanki Leendert.

Segun informacion a bin compronde cu riba Watty Vos Boulevard un auto oranje lo a cambia lane sin pone señal y un motociclista den e lane a flash e auto, cu despues a hala bek den e lane y e motociclista a muestra un señal

pa bis’e pa pone signlight. E motociclista a sigui core bay pero e auto a sigui su tras, trot y hera dal’e.

E motociclista su helm tabata tin Bluetooth y cu esaki e a yama polis. Yegando banda

di Cadushi Supermarket na Tanki Leendert e motorciclista cu tabata na telefon cu polis a baha caminda y e auto a core para banda di dje. E chauffeur di e auto oranje a baha for di e auto cu un obheto y a bay bringa cu e mo-

tociclista.

Ora cu polis a yega na e sitio mesora a detene e chauffeur di e auto oranje y a transporte pa Warda di Polis. Polis tambe a tuma datos di e susedido aki.

Baki a kentel y a cay for di trekker na e rotonde Mahuma

Diahuebs mainta a drenta informe di cu un trekker transportando un baki grandi lo a cay for di su trekker y a obstaculisa e fluho di trafico, mesora a dirigi patruyanan na e sitio pa asina desvia e trafico.

Despues di un rato a logra

lanta y pone bek riba e trekker. E problema a surgi ora a stiwa e carganan den e baki a pone esakinan mucho na banda drechi y na e birada di e rotonde esaki a kentel den banda. Afortunadamente ningun hende a resulta herida.



Truck di bloki di cement a dañá net na rotonde di Tanki Leendert stroba trafico

Diabierna mainta a drenta informe di cu un truck lo a dañá na e rotonde Tanki Leendert, mesora a dirigi un patruya na e sitio.

Na yegada di e patruya ya

caba mecanico di e compania tabata na e sitio atendiendo cu e problema mientras trafico por a sigui normal pero e trafico pisa si mester a desvia pa algun rato



Polis mester a intermedia den conflicto entre cliente y doño di negoshi

Diahuebs anochi a drenta informe di un caso di intermediacion na Wu Di Enterprises NV na Tarabana, mesora a dirigi un patruya na e sitio.

Na yegada di e patruya a bin compronde cu aki ta trata pa polis intermedia un discusion unda e dama a cumpra un speaker. Recien despues cu el a cumpre el a kima y a causa di esaki el a bay reclama e doño kende no kier respon-

de y cambi’e pa un otro.

Polis a intermedia splicando e doño cu tin biaha e cosnan ey por bini cu defectonan y cu tin garantia y cu den casonan asina mester cambi’e y mand’e pa e fabrica pa nan repar’e of cambi’e.

Pero como e negoshi no tin otro e cliente lo mester warda. Despues di hopi deliberacion a logra yega na un acuerdo entre e partidonan.



Merca ta adverti cu apesar cu a logra preveni un menasa cibernetico di China, hackernan por causa daño na Mericanonan



(AP) - Oficialnan Mericano a bisa diaranson cu nan a stroba un esfuerse Chines cu sosten di e estado unda kier a planta un malware cu por a ser usa pa dañá infraestructura civil, mientras e hefe di FBI a adverti cu Beijing ta posicionando su mes pa stroba e bida diario di Mericanonan si Merca y China mester cuminsa un guerra.

E operacion, anuncia net prome cu director di FBI Chris Wray a dirigi su mes na legisladornan di e Cas Blanco, a stroba botnet di centenares di oficinanan chikito basa na Merca y routernan na casnan di ciudadanonan y companianan cu a ser secuestra pa e hackernan Chines pa cubri nan pasonan mientras nan tabata kier a planta e malware. Nan

meta tabata inclui plantanan di tratamiento di awa, e red di electricidad y sistemanan di transport rond di Merca.

Papiando dilanti House Select Committee tocante Chinese Communist Party, Wray a bisa cu tin demasiado tiki enfoke publico riba e menasanan cibernetico cu ta afecta “tur Mericano. China su hackernan ta posicionando riba infraestructura Mericano den preparacion pa trece caos y causa daño real na ciudadanonan y comunidnan Mericano, si of ora cu China dicide cu a yega momento di ataca,” Wray a declara. Jen Easterly, director di Department of Homeland Security Cybersecurity and Infrastructure Security Agency a expresa un sentimento similar despues di e audiencia.

“Esaki ta un mundo unda tin un crisis grandi den e otro banda di e planeta cu por pone den peliger e bida di Mericanonan na cas via strobamento di nos red di tubo, corta nos telecomunicacion, polucion di nos facilidadnan di awa, afecta nos modonan di transport, tur pa sigura cu nan por causa panico den sociedad y stroba nos habilidad” di por crea un respuesta suficientemente bon, el a expresa. E comentarionan ta aline cu e evaluacionnan for di agencianan di seguridad cibernetico externo, incluyendo Microsoft, cual den mei a cay victima di hackernan Chines cu tabatin infraestructura critico di Merca como su meta y cu por ta cuminsando e fundeshi pa e strobamento potencial critico entre Merca y Asia durante crisisnan den futuro.

Por lo menos un porcion di e operacion aki, atribui na e grupo di hacker conoci como Volt Typhoon, awo a ser stroba pa FBI y oficialnan di departamento di husticia, a obtene ordo di confisca y buskeda na corte di Houston den december. Oficialnan di Merca no a caracteriza e accion aki su impacto y documentonan di corte revela diaranson ta bisa cu e botnet cu a stroba tabata solamente “un forma di infraestructura usa pa Volt Typhoon



pa sconde nan actividad.” E hackernan a yega di infiltra e victima via varios caminda, incluyendo proveedornan di internet y cloud, disfrasando nan mes di trafico normal.

Durante e ultimo ananan Merca a bira mas agresivo den purba di stroba y desmantela

ambos operacionnan cibernetico cu ta criminal y cu sosten di estadonan, cu Wray advirtiendo diaranson cu hackernan di Beijing tin e meta di revela secretonan di negoshinan pa avansa e economia Chines y horta informacion personal pa campanan di influencia den exterior.

New Zealand ta informa cu lo contempla comparti tecnologia militar cu Merca y Reino Uni

(AP) - New Zealand a bisa diahuebs cu nan lo contempla comparti tecnologianan militar avansa cu

Merca y Britania mientras nan ta persigui lasonan di defensa mas cercano cu Australia den medio di

preocupacionnan tocante un China cu cada biaha ta mas asertivo.

E Ministernan di defensa y exterior di Australia y New Zealand a reuni na Melbourne pa trata profundisacion di e lasonan entre e nacionnan cu ta bisiña. E tabata nan prome reunion hunto desde cu New Zealand su coalicion iskierdista a drenta mando aña pasa.

Australia a anuncia cu nan lo manda oficialnan New Zealand e aña aki pa trata e partnership di defensa di 3 partido entre Australia, Reino Uni y Merca. China, Merca y otronan ta luchando pa influencia den e Pacifico strategicamente crucial. Merca y Britania a keda di acuerdo cu lo provee Australia cu un cantidad di submarino podera pa Merca su tecnologia nuclear.

New Zealand a prohibi barconan cu ta funciona riba poder nuclear di usa su wafnan desde aña 1984, sinembargo, nan ta

considerando si mester drenta un compromiso entre Australia, Merca y Britania pa desaroya y comparti capacidadnan militar, incluyendo inteligencia artificial, bienestar electronico y tecnologia ‘hypersonic’.

Mientrastanto, Minister di exterior di Australia Penny Wong a expresa preocupacion tocante acusacionnan cu varios empleado di e agencia di ayudo di Nacionnan Uni den Gaza Strip a participa den e atake mortal di Hamas contra Israel lunanan atras. Sinembargo, tambe el a señala na un posibilidad cu e agencia lo bolbe ricibi fondo for di Australia den e “ausencia di varios alternativa.”

Por lo menos 10 pais, incluyendo Australia, a suspende e fondo pa Relief and Works Agency for Palestina Refugees, conoci como UNRWA, a causa di e acusacionnan aki.



Reintroduccion di landamento na scol por costa hasta 212 miyon euro pa aña

(NLTimes) - E reintroduccion di landamento como un vak na scol lo por costa te hasta 212 miyon euro pa aña. Esaki ta loke SEO Economic Research a informa den reportahe cu te ainda no a keda publica, cual RTL Nieuws a obtene y comparti cu ANP. SP tin hopi tempo ta campaña pa tur mucha haya les di landamento durante oranan di scol. Proposicionnan pa reintroduci landamento na scol despues cu a aboli esaki den aña 1985 te ainda no a keda implementa.



Un den 4 scol basico ta ofrece landamento, Mulier Institute a calcula den aña 2021. Politiconan ta preocupa pa motibo cu proficiencia den landamento ta den disminucion. E porcentahe di muchanan di 6 pa 16 aña cu no tin un certificado di landamento a bira dobel for di 6 pa 13 entre aña 2018 pa 2022. Especialmente muchanan di mayornan cu un antecedente di migracion y un ingreso abao ta leu for di siña con pa landa.

Zomer ultimo, un gran mayoria di Tweede Kamer a expresa sosten pa un mocion cu a haci yamado na scolnan y autoridadnan local pa determina e gasto di landamento na scol y haci algo tocante esaki. E landamento obligatorio ta costa entre 129 pa 212 miyon euro. Den Haag mester paga e cantidad aki pa siña

muchanan con pa landa te ora cu nan a logra nan diploma A, B y C.

Segun e investigadornan, e costonan ta balansa pa beneficianan financiero. Mayornan por spaar te hasta 177 miyon euro den total mirando cu ya nan no mester manda nan yiunan lesnan di landamento nan mes.

Segun e investigadornan, tambe e tempo cu e mayornan ta spaar tin e balor di maximo 513 miyon euro.




Atleta di ski Suiso, Yule ta bira prome cu a gana careda di Copa Mundial for di posicion 30

(AP) - Atleta Suiso, Daniel Yule a haci un regreso cu no a anticipa den e Copa Mundial di hende homber diadomingo, menos di 4 ora despues cu el a pensa e careda a caba.

Keriendo cu su prome cori yen di eror no tabata suficiente pa e cualifica pa e di dos ronda, Yule a cuminsa prepara pa bay cas. Sinembargo el a cualifica como e ultimo coredo y a ser laga cu 1.93 seconde pa gana lider Clement Noel, y despues a tuma e delantera di un curso cu tabata deteriorando pa bira e prome eskiado cu a gana un Copa Mundial despues di a caba den posicion 30 despues di e careda di apertura.

“Absolutamente increibel. Mi mester bisa cu mi tabatin hopi suerte kedando na luga 30 despues di e prome careda. Pero despues mi a logra tin bon



resultado durante e di dos careda,” Yule a declara. “Waw, e ta increibel. E tabata un caminda largo pero bunita.” Su miembro di ekipo, Loic Meillard, tabata esun mas cerca tras di Yule cu 0.16 seconde despues cu el a mehora for di e di 5 pa di dos luga. Lider di e prome careda Clement Noel a baha na tercer luga, cu 0.18 leu.

Ningun atleta di ski, muhe y homber, a yega di gana un even-

to di Copa Mundial despues di a keda den e posicion 30 den e prome careda, cual ta haci cu e coredo ta cuminsa den e di dos careda. Yule a logra kibra e miho puntuacion anterior

marca pa Lucas Braathen. E eskiado Noruego, ken no tabata compitiendo e temporada aki, a bay for di posicion 29 y a logra victoria na Wengen dos aña atras.

BONDIA
ARUBA

Pa AVISO den nos Corant
aviso@bondia.com

Pitino: NCAA su brasa ehecutivo ta “un chiste” cu “no tin balor mas” y mester keda “desmantela”



(AP) - Cu disputanan legal escalando a causa di uso di number, imagen y seme-hansa den e reclutamento di atletanan universitario, coach di basketball den Hall of Fame Rick Pitino ta kere cu e ta tempo pa NCAA hala un banda ora ta trata di scolnan miembro y nan politica.

“E ta un tempo hopi dificil den basketball universitario, pa motibo cu e ta un agencia liber. Y awo mi ta kere cu loke ta bay sosode ta, cu nan ta bay bisa cu tur hende por transferi, y despues si nan no gusta, nan ta bay hiba nan corte,” e coach di St. John’s a bisa diasabra.

“Mi ta kere cu e brasa ehecutivo di NCAA mester keda desmantela. E ta un chiste. No paso mi no gusta nan, sino pa motibo cu nan no tin balor mas. Tennessee lo hiba nan corte, Virginia lo hiba nan corte..” E procurador general di Tennessee y Virginia a otorga un demanda anti confiansa contra NCAA diaranson cu ta desafia su prohibicion di usa compensacion NIL ora di recluta y como respuesta na e asocion su investigacion contra University of Tennessee. Un hues lo tende nan peticion dia 13 februari pa un evaluacion preliminar cu lo pone NCAA su reglanan prohibiendo e pay-per-play den pausa, segun corte a publica diabierna.

Pitino, ken tin 71 aña di edad a expresa su opinion tocante NCAA despues di su ekipo su perdida 77-69 contra Uconn na Madison Square Garden. Su comentarionan a bini na e conferencia di prensa despues di e wega ora cu un reportero a puntra tocante un rivalidad renoba cu Huskies, e campeonnan nacional mientras e ta reconstrui St. Johns su programa.

“E empleadonan di e brasa ehecutivo mester bay,” Pitino a continua. “Nos mester stop tur e hipocresia di NIL. Nos mester stop e. Nan ta atletanan

profesional. Nan ta ser paga profesionalmente. Esaki no ta bay cambia. Bo no por purba di corta caminda pa motibo cu nan ta hibabo corte. Esaki ta dicon mi ta bisa, nan ta bay ser hiba corte cada biah cu nan purba di crea un regla. E ta un momento dificil den basketball universitario actualmente y pa nos, bo no por construi un programa y cultura pa motibo cu tur hende ta bay.”

Pitino, ken a gana campeonatonan na Kentucky den ana 1996 y Louisville den aña 2013 tin su propio historia di conflicto cu NCAA.



Hungador di futbol Dani Alves su huicio pa supuesto agresion sexual lo cuminsa awe na Barcelona

(AP) - Despues di un aña den prizon Spaño, hungador Brasileiro Dani Alves lo cuminsa huicio e siman aki pa supuesto agresion sexual contra un muhe hoben na un club nocturno di Barcelona.

Alves, un ex hungador di Barcelona, ta acusa di agredi sexualmente un muhe dia 30 di december aña 2022. E ta nenga esaki. E huicio ta den plan pa dura for di dialuna te diaranson na corte di Barcelona. E fiscalnan di e estado ta pidi un sentencia di 9 aña pa Alves si condena su persona mientras cu e abogado cu ta representa e acusador kier 12 aña den prizon.

Bao Spaña su ley di consen-



timento sexual di aña 2022, e crimen di agresion sexual ta tuma un rango amplio di crimen for di abuso online, na mishimento te violacion, cu

cada un, un castigo diferente. Un caso di violacion ta carga un sentencia maximo di 15 aña. Alves, ken actualmente tin 40 aña, a ser aresta dia 20

di januari di aña 2023 despues di a contesta un convocacion di polis durante un bishita na Spaña. Corte a ordena pa su persona keda deteni despues di analisa e investigacion di polis inicial y tende testimonio di e supuesto victima, testigonan y e hungador mes.

Prome cu el a ser procesa pa un hues investigativo den augustus, Alves su abogado no a logra desacredita testimonio di su acusador y otro testigonan pa medio di provee imagenan di camara di siguridad na e club nocturno. Corte a bisa cu cualkier tipo di combersacion di naturalesa romantico “no ta hustifica di ningun manera un agresion sexual.”

Alves su peticion pa libertad a

ser nenga pa motibo cu corte ta considera cu tin e riesgo cu lo sali for di e pais, aunke el a ofrece di otorga su paspoort y bisti un dispositivo cu ta monitor su localidad. Brazil no ta extradita su ciudadanonan ora cu nan ta ser sentencia den otro pais.

Alves a modifica su defensa varios biah. Prome, el a nenga cu el a mira e muhe ora cu el a bay baila na Sutton. Despues di su aresto, el a nenga contacto sexual cu e victima, pero despues a admiti lunanan despues cu si tabatin un encuentro sexual pero cu esaki tabata cu consentimiento di e victima. El a declara cu e tabata purbando di salba su matrimonio pa medio di no admiti e encuentro sexual inicialmente.

KPA: Pa seguridad di tur persona
No por para mas memey den auto



Polis di Aruba ta informa cu pa seguridad di tur persona, tanto mucha y hende grandi, **NO** ta permiti mas pa para memey den un auto, por ehempel un jeep of pick-up. Esaki tambe ta conta pa tur parada y traspaso di mando di Aruba su Carnaval.

E motibo di esaki ta pa seguridad di tur participante durante parada. Asina tambe nos ta percura pa e safety di tur participante.

UNOCA ta informa cambio di orario pa publico

Union di Organisa-cionnan Cultural Arubano (UNOCA) kier a informa comunidad di Aruba cu lo tin algun cambio den e structura di orario di oficina na Stadionweg 21.

Entrante 1 di februari 2024, oficina di UNOCA lo ta habri pa publico di dialuna pa diahuebs for di 9 am te cu 4 pm. Diabierna oficina di UNOCA lo ta cera pa publico, pa haci trabounan interno pa un tempo indefini. E cambio aki ta pa nos brinda un miho servicio na comunidad di Aruba.

Nos ta spera di por a informa comunidad di Aruba debidamente y nos ta conta cu bo(so) comprension.

Inscripcion a habri pa Arte di Palabra 2022



Departamento di Cultura Aruba (DCA) bou di auspicio di Ministerio di Cultura ta organisa anualmente e proyecto Arte di Palabra (AdP), compe-

tencia literario di poesia y cuenta cortico pa scol secundario y avansa.

E aña aki lo ta bay ta e di 16 edicion di AdP cu lo tuma

luga dia 21 di april 2024 na Cas di Cultura.

Tur alumno di scol secundario di klas 1 te cu 6 y EPI klas 1-2, por participa

y por inscribi serca nan docente di Papiamento of via artediplabra@gmail.com te cu dia 24 di maart 2024.

Por participa den seis diferente categoria:

- Poesia
- A. Poesia existente klas 1-2
- B. Poesia original, klas 1-2
- C. Poesia original, klas 3-6/ EPI klas 1-2

Cuenta cortico

- A. Cuenta existente, klas 1-2
- B. Cuenta original, klas 1-2
- C. Cuenta original, klas 3-6/ EPI klas 1-2

Ganado di cada categoria lo bay representa Aruba den e final di AdP ABC, cu ta competencia interinsular entre e ganadonan di Aruba, Bonaire y Corsou. AdP ABC lo tuma luga dia prome di juni 2024 na K-Center Corsou.

Pa mas informacion por yama na DCA su number di telefon: 5822185, of sigui pagina di FB Arte di Palabra Aruba


Resultado Sorteo
3 y 4 februari



Cadena Alexander Lottery ta presenta resultado di weganan di suerte

DIARIO				DIADOMINGO			
KORSOU	SUPER4	FLAMINGO	DIARIO	KORSOU	SUPER4	FLAMINGO	
6671	8024	2940	7583	5770	7326	5214	
5719	SUPER5	5371	5368	5815	SUPER5	1737	
6603	-	8589	6444	8084	51818	4345	

MERDIA	ANOCHI		DIADOMINGO MERDIA
CATOCCHI Sorteo # 4171 1570 7737 7949 X2 BIG 4 Sorteo # 4171 7005 DFF Sorteo # 2227 2353 ZODIAC Sorteo # 4171 9975 LUCKY 3 Sorteo # 1045 114 FP	CATOCCHI Sorteo # 8162 4051 8446 3689 X5 BIG 4 Sorteo # 7206 8956 DFF Sorteo # 1911 8974 ZODIAC Sorteo # 5965 0651 Aries LUCKY 3 Sorteo # 895 944 X3	LOTTO 5 Sorteo # 2464 0 x Jackpot 1 x Match 4+ 2 x Match 4 153 x Af. 12,00 355.000,- LOTTO DIA Sorteo # 6377 0 x Jackpot 8 x Match 4 252 x Af. 8,00 125.000,- MEGA Sorteo # 0 x Jackpot 0 x match 4 0 x Af. 500,00 0 x Af. 50,00 0 x Af. 15,00 430.000,- MEGA BIE Afl. 600.000,- QR Code	CATOCCHI Sorteo # 4172 8475 4054 0654 X5 BIG 4 Sorteo # 4172 3981 DFF Sorteo # 2228 5008 ZODIAC Sorteo # 4172 2289 Virgo LUCKY 3 Sorteo # 1046 391 X2



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Central Aloe
Tel. 585 1965 Tel. 584 4606

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

Aruba Transfer Tour & Taxi C.A.
Tel: 582 2116/582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

**Prome Pop Up Market di Santa Rosa ta dia
2 di Maart**

Despues cu aña pasa Departamento di Agricultura, Cria y Pesca Santa Rosa a bin na e idea pa cuminsa cu algo chikito pa nos productornan local cu a resulta den un Pop-Up Market exitoso. Awor nos ta cla pa continua cu esaki den luna di maart venidero.

Hopi ta esnan cu a haya e idea aki uno interesante y sigur a wordo sosteni pa nos bishitantenan mirando e acogida cu esaki a haya durante 2023. Hopi ta esnan cu a encanta e idea pa motibo cu e ta den un escala mas chikito y ta duna e oportunidad na e clientela pa mira y probecha di un of otro producto fresco mas facil. Sin mucho molestia por yega compra y sigui cu otro compromisonan. Ta simplemente un cantidad di 15 productor local cu tin un of otro producto fresco na e momento ey por yega na remarca den nos Pop-Up Market. Claro nos kier tene den un escala mas chikito pa asina facilita tur nos bishitantenan y sigur tambe e productor por sali mas facil for di nan producto fresco cu nan tin na e momento ey pa ofrece.

Faltando apenas un luna pa nos Pop-Up Market cu lo ta planea pa tuma lugar riba diasabra dia 2 di maart venidero.

Nos ta haci e siguiente apelacion dado caso cu bo tin producto fresco pa e fecha menciona por tuma contacto cu nos departamento na 585-8102 pa asina reserva bo lugar y pa nos por ta na altura kico ta e producto cu bo ta bay ofrece pa e Pop-Up



Market. Nos ta desea pa por tin un variedad di producto produci localmente pa ofrece nos bishitanan riba e dia aki. Orario lo ta for di 8or di te cu 11or di mainta caminda Aruba completo por bishita y haci nan compras riba e diasabra aki.

Nos ta invita e pueblo di Aruba pa marca e fecha aki

cu ta diasabra 2 di maart pa bishita nos Pop-Up Market y disfruta haciendo bo compras di e productonan fresco cu lo bay tin pa ofrece aki mes na Santa Rosa.

Nos Pop-Up Market lo ta facil, conveniente y rapido. Bishita nos prome Pop Up Market pa e aña aki y compra pa bo mes.

Pronostico di tempo

Tempo:

Parcialmente nubia cu un awasero pasahero.

Temperatura maximo 31 grado Celsius.

Temperatura minimo 26 grado Celsius.

Indice di calor (heat index) den y rond di oranan di merdia: 32 pa 38 grado Celsius.

UV index: 8

Bahada di solo: 6:42pm;
Subida di solo: 7:05am.

Biento:

Zwak te modera for di direccion noordoost te zuidoost; forsa 2 te 4 (7 te 23 km/ora, 4 te 12 nudo).

Situacion general di tempo:

Aire relativamente seco lo stroba e desaroyo di mayoria di nubia cu por produci awasero. Sin embargo, un aumento leve di humedad den nivelnan mas abou di atmosfera lo por induci un awasero pasahero na cierto partinan di e isla mas laat awe y den marduga.

Mas aleu, concentracionnan varia di stof di Sahara lo reduci visibilidad den proximo dia of dos. Personanan cu tin sensibilidatnan respiratorio mester tene esaki na cuenta.

Condicion maritimo/ estado di lama:

Na partinan proteje di costa: ketu, rond di 1 pia.
Na partinan zuid: modera, entre 2 pa 3 pia.
Na partinan oost te noordwest di costa: trankil te modera cu olanan di 2 pa 3, localmente 4 pia.



CLASIFICADO

TABUSCA

Aruba Heats Products
ta busca
Kitchen Helper
Por yama na
Tel. 593 0827

218006

TIN MESTER

Perfect Landscaping
tin mester di
Tuinman
pa su departamento di
Landscaping.
Pasa personalmente jena un
aplicashon.

218007

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada. Den cunucu di yerba berde e ta ponemi sosega. E ta hibami na awa trankil, pa mi bolbe haña forsa".
Salmo: 23



Cu dolor na nos curason, nos ta participa fayecimento di nos ser stima:

Sra. Isidoria M. Rasmijn-Tromp
Cariñosamente yama "Chima"
*15-05-1954 - †29-01-2024

Su Mayornan
Tata: † Serapio (Jajachi) Tromp
Mama: † Tomasina (Onsi) Tromp - Boekhoudt

Su Casa
Alberto (Mencho) Rasmijn

Su Yiunan:
Melina Ayring y Mario (Shati) Kelly - Kelly
Melinda Marlin y Gilbert (Gibi) Kock - Kelly
Wilbert Alvinio Kelly

Su Nietonan
Richmar Kelly Y Canryenne Tromp
Igmarr Kelly y Daniella Ariza Polo
Gilery Kock
Sigmar Kelly Y Darienne Santos Diaz
Gillianne Kock
Gilmery Kock

Su bisanietanan:
Alayna Kelly
Delainy Kelly

Su rumannan:
†Cerilio (Buchi) Tromp y familia
Candido (Candi) y Mena Tromp - Geerman y familia
Leoncita (Lucy) Tromp y familia
†Andres (Fenchi) Tromp y familia

Yiunan di su casa:
Sharline Rasmijn y familia
Jacqueline Camara Da Silva - Rasmijn y familia
†Francis Rasmijn y yui
Gilbert Rasmijn y familia

Su Ihanan:
Josef Wernet
Mirla Tromp
Jarmin Croes - Tromp

Swa y Cunanan:
Shaki Rasmijn y familia
Emilia Rasmijn y familia
Modesto Rasmijn y familia
Sara Rasmijn y familia

Sobrino y sobrinanan, sobre sobrino y sobre sobrinanan, primo y primanan, comer y compernan, bisifianan y cono-cirnan, ex collega di Departamento di Enseñansa y miembronan di OPPA.
Y demas familia: Tromp, Boekhoudt, Rasmijn, Kelly, Kock, Croes, Geerman, Brete, Navas, Wernet, de Nobrega, Vrolijk, Wever, Dirksz, v/d Biezen, Lampe, Jansen, Hernandez, Giel, Gil, Erasmus, Bislip, Loeftok, Limunier, Henriquez, Krosendijk, Boekhout y Winterdaal.

Acto di entierro lo tuma lugar dia 5 Februari 2024 pa 4or di atardi saliendo for di Aurora funeral home pa Santana Catolico na Paradera.
E resto mortal di defunto lo ta reposa for di 1 or di atardi na Aurora funeral home.
Sin den nos dolor por a lubida un familiar nos ta pidi mil disculpa.
Despues di entierro nos no por ricibi bishita di condolencia na cas.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"
Salmo 33

Cu inmenso triestesa ta anuncia fayecimento di:



Vilette Maria Falconi
Mihor conoci como: "Letty"
*15-07-1954 - †26-01-2024

Na nomber di su:

Yiunan: Jimmy Mijer, Jeff Mijer

Nieta: Mia Mijer

Rumannan: Gregory Falconi, Renzino Falconi

Subrinanan: Darlene Enelbrecht-Falconi, Carla Schippers-Falconi


Acto di entierro a tuma lugar den seno familiar diahuebs 1 di februari 2024.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada. Den cunucu di yerba berde e ta ponemi sosega. E ta hibami na awa trankil, pa mi bolbe haña forsa".
Salmo: 23

Nos ta participa fayecimento di:



Luz Dary Velasco Aguirre
Cariñosamente yama "Dary"
*17-05-1969 - †31-01-2024

Acto di despedida lo wordo anuncia despues

Republicanonan den Congreso ta anuncia ley pa mas ayudo na Israel pero lagando Ucrania afo

(AP) — Republicanonan den Congreso Mericano ta bay dilanti cu un pakete di \$17.6 bion den asistencia militar pa Israel y pa repone arma Mericano, pero ta laga afo mas ayudo pa Ucrania, subrayando e retonan enfrentando sostenedornan di un pakete comprensivo di seguridad nacional cu tambe lo inclui biones di dollar pa cumplimiento di inmigracion.

E movida ta duna presidente di Congreso, Mike Johnson y e Republicanonan un chens pa muestra sosten pa Israel maske tin tiki chens cu Senado ta bay di acuerdo. Mientras tanto, texto di un compromiso mas amplio di Senado ta spera di keda publica den weekend y un voto clave riba e pakete aki ta bay tuma lugar durante siman.

Johnson a bisa cu liderazgo den Senado ta na altura cu door di no inclui Congreso den nan negociacionnan, nan a elimina e habilidad pa consideracion rapido di cualkier legislacion.

Congreso ya aproba un pakete di ayudo militar di casi \$14.5 bion na november pa Israel, cual Senado a nenga di asumi. Republicanonan tambe a insisti pa paga p'e door di corta den otro areanan. E legislacion a enfoca riba IRS pa recorte, maske Oficina Congresional di Presupuesto a bisa cu e lo costa gobierno federal \$12.5 bion neto pa motibo di perdida di entrada di colecta di impuesto.

E tactica di inclui recorte di IRS tambe a bira un voto mas partisano, 226-196. Johnson a bisa den su carta na coleganan cu elimina e offset lo permiti pa un paso lihe di e ayudo pa Israel.

Rep. Ken Calvert, R-Calif., a publica e texto di e legislacion di asistencia militar pa Israel. E lo provee \$4 bion pa repone sistema di defensa misil y \$1.2 bion pa contraresta menasa di raket di distancia corto y mortero. Tambe tin fondo pa procura sistema di arma avansa y pa reforsa produccion di artilleria y otro municion.

Pa sigura cu e sosten no ta compromete preparacion Mericano, e ta inclui \$4.4 bion pa repone arma cu Merca a duna Israel. Tambe tin \$3.3 bion pa operacionnan militar actual di Merca den e region.

Aurora
Royal Pray
Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur bunita.
Autor: Cado Wever.



Nos ta anuncia fayecimento di:

Mariela Granada Garcia
Cariñosamente yama "Tanchi of Tanchi Jela"
VDA. di Wever
*27-09-1949 - †01-02-2024

Acto di despedida lo wordo anuncia despues

Agricultornan Griego ta basha producto pafu di un feria agricultural y ta priminti di escala protesta

(AP) – Agricultornan Griego a basha chestnut y appel riba caminda pafu di un feria agricultural diasabra, y a priminti di escala protesta despues di un reunion diamars.

Esnan cu a basha e productonan tabata bin di region Thessaly, den centro di Grecia, y a bin e ciudad nort di Thessaloniki riba bus pa join nan coleganan di nort cu a yega cu nan tractornan riba diabierna.

Den lunanan recien, protestanan similar a cubri Europa, mientras agricultornan riba e continente ta trece nan malcontento tocante inflacion, competencia stranhero y e costo pa combati cambio climatico riba saya.



“E miyones di euro cu prome minister ta bisa cu e ta dunando nos pa reduci gastonan di produccion ta un miseria,” segun Kostas Tzelas, lider di federacion di agricultor di Thessaly, a bisa referiendo na e promesanan di sosten di prome minister Kyriakos Mitsotakis.

E prome minister “no a bisa nada di nos perdiendo entrada di e Politica Agricultural Comun (di Union Europeo). Si e kier pa nos keda na Grecia y no emigra, e mester resolve nos problemanan,” el a agrega.

E agricultornan di Thessaly a



bay despues di nan protesta, mientras esnan di nort di Grecia a retira nan tractornan ayera. Pero nan, y otronan for di rond Grecia, ta bay reuni mañan y probablemente ta bay dicidi pa escala nan protestanan, incluyendo door di blokea autopistanan.

Agricultornan a critica e propuesta di gobierno pa un reunion cu Mitsotakis, yamando e un evento di oportunidad di potret. “Ultimo cos cu nos ta worry cune ta un reunion cu prome minister,” Tzelas a bisa.

Di dos riu atmosferico den algun dia ta drenta California

Cortando coriente y inundando caminda



(AP) — E di dos riu atmosferico consecutivo a muha nort di California ayera, inundando caminda, lagando diasmiles sin coriente, y lagando pronostico di advertencia di posible

biento cu forsa di horcan y lodo mientras poco poco e ta bay sur den proximo dianan.

E tormenta a tira abao palonan y waya di coriente den area

di San Francisco Bay, unda biento a alcanza velocidad di 96kph den algun area. Rafaga excediendo 128kph a keda registra den e montañanan.

Mas cu 200mil cliente a keda

sin coriente na e estado, cu mayoria di e blackout parti nort di e estado, segun poweroutage.us.

Seis condado den Bay Area tabata den riesgo menor di hoos subiendona tera y birando tornado, segun Storm Prediction Center. E ultimo bi-aha cu e centro a pronostica riesgo di tornado den e region tabata na februari di 2015, segun San Francisco Chronicle.

Palisades Tahoe, un resort di ski como 320km nort oriente di San Francisco, a bisa cu tabata anticipando e caida di sneeuw mas pisa di e temporada te awo, cu acumulacion di 15cm pa ora pa un total di hasta 60cm. Sneeuw pisa tabata posible den dialuna door di Sierra Nevada.

Mientras tanto, sur di California tabata den riesgo di inundacion substancial cuminsando ayera laat pa motibo di con slow e sistema tabata move, segun Ryan Kittell, meteorologo cu servicio di clima di area di Los Angeles.

Gran parti di e estado tabata secando di e sistema cu a yega e siman atras, causando inundacion y bashando sneeuw riba e montañanan. E sneeuw mas recien, tambe yama un “Pineapple Express” pasobra su pluma di humedad

ta stretch door di Pacifico te cerca di Hawaii, a yega cerca di costa den nort di California diasabra, ora mayoria di e estado tabata bao algun sorto di alerta pa biento, surf of inundacion.

Orden di evacuacion y advertencia tabata na vigor pa areanan di montaña y canyon di Monterey, Santa Barbara, Ventura y Los Angeles.

Pa ayera trempan, servicio di tempo a emiti un inusual “advertencia di biento cu forsa di horcan” pa Costa Central, cu rafaga di biento di hasta 148kph posible for di Peninsula Monterey te seccion nort di condado San Luis Obispo.

Tabata spera cu e tormenta lo move abao door di e costa y trece awasero pisa, posible inundacion flash y sneeuw di montaña den area di Los Angeles ayera laat, prome cu move pa suta condadonan Orange y San Diego awe dialuna.

Servicio di tempo a pronostica hasta 15cm di yobida na areanan costero y di valle di sur di California, cu hasta 31cm probable den montañanan. Pronostico a adverti cu lodo, fluho di baranca y inundacion ta probable. Ta spera awasero pisa te modera den sur di California te diamars.



Merca y Reino Uni ta ataca Houthinan na Yemen den un ola nobo di represalia

(AP) — Merca y Reino Uni a ataca 36 obhetivo Houthi na Yemen diasabra den un segundo ola di atake cu intencion pa deshabilita gruponan sosteni pa Iran, cu implacablemente a ataca interesnan Mericano y internacional memey di e guerra entre Israel y Hamas.

Pero Washington un biaha mas no a ataca Iran directamente, mientras ta purba di haya un balans entre un respuesta fuerte y intensificacion di e conflicto.

Comando Central Mericano a bisa cu su forsan a ehecuta un atake adicional diadomingo “den defensa propio contra un misil crucero anti-barco Houthi prepara pa lansamento contra barconan den lama Cora,” segun un post riba X.

“Forsanan Mericano a identifica e misil crucero den areanan controla pa Houthinan na Yemen y a determina cu e tabata presenta un menasa inminente na barconan di Marina Mericano y barconan comercial den e region. E accion aki ta bay protege libertad di nabegacion y haci awanan internacional mas safe y sigur pa barconan di Marina Mericano y barconan comercial,” e post a agrega.

E atakenan diasabra contra e Houthinan a keda lansa pa barconan Mericano y fighter jet Mericano y Britanico. E atakenan a sigui un atake aereo na Irak y Siria diabierna cu tabatin como obhetivo otro milicianan cu sosten di Iran, y e Guardia Revolucionario Irani, den represalia pa e atake cu drone cu a mata tres trupa Mericano na Jordan ultimo weekend.

E obhetivonan Houthi riba diasabra tabata den 13 sitio diferente y a ser ataca cu fighter jet F/A-18 Mericano for di e carrier di avion USS Dwight D. Eisenhower, pa avionnan fighter Britanico Typhoon FGR4 y pa e destroyernan di Navy, USS Gravely y USS Carney lansando misilnan Tomahawk for di Lama Cora, segun oficialnan Mericano y ministerio di Defensa Britanico.

Merca a adverti cu su respuesta na e morto di e soldadnan na e base Tower 22 na Jordan un diadomingo atras



no lo ta limita na un solo anochi, un solo obhetivo, of un solo grupo. Mientras no tin sugerencia cu e Houthinan ta directamente responsable, nan ta un di e adversarionan principal di Merca desde cu Hamas a ataca Israel dia 7 di october, matando mas di 1,200 persona y tumando como 250 rehen.

E Houthinan a cuminsa ehecuta atakenan cu misil of drone casi diariamente contra barconan comercial y militar transitando e Lama Cora of e Golfo di Aden, y nan a laga cla cu nan no tin intencion pa reduci nan campaña, a pesar di presion di e campaña Mericano y Britanico.

Mohammed al-Bukhaiti, un oficial Houthi, a bisa cu “operacionnan militar contra Israel ta bay continua te ora cu stop e crimen di genocidio na Gaza y elimina e acoso di su residentenan, sin importa e sacrificio cu e costa nos.” El a skirbi online cu “e agresion Mericano-Britanico contra Yemen no ta bay keda sin contesta, y nos ta bay responde escalacion cu escalacion.”

Administracion di Biden a indica cu esaki probablemente no ta su ultimo atake. Merca a culpa e atake na Jorda riba e Resistencia Islamico na Irak, un coalicion di milicia cu sosten di Iran. Iran a purba di distancia su mes for di e atake cu drone, bisando cu e milicianan ta actua independiente di su direccion.

Secretario di Defensa Mericano, Lloyd Austin a bisa den un declaracion cu e accion

militar, cu sosten di Australia, Bahrain, Canada, Dinamarca, Hulanda y New Zealand, “ta manda un mensahe cla na e Houthinan cu nan ta bay tin cu continua ta carga consecuencia si nan no stop nan atakenan ilegal riba comercio marítimo internacional y barconan naval.”

El a agrega: “Nos no ta bay duda pa defende bida y e fluho libre di comercio den un di e vianan marítimo mas critico na mundo.”

Departamento di Defensa Mericano a bisa cu a ataca stacionan asocia cu e facilidadnan di almacenaje di arma profundamente dera di e Houthinan, sistemanan di misil y launcher, sistema di defensa aereo, radar y helicop- ter. Ehercito Britanico a bisa cu a ataca un stacion di control terrestre west di capital di Yemen, Sanaa, cu ta ser usa pa controla e dronenan Houthi cu a lansa contra barconan den Lama Cora.

A informa presidente Joe Biden tocante e atakenan prome cu el a bandona Delaware diasabra pa un trip di campaña den West Coast, segun un oficial di administracion.

E atakenan mas recien ta marca e di tres biaha cu Merca y Reino Uni a ehecuta un operacion conhunto grandi pa ataca launcher di arma, sitio di radar y drone Houthi. E atakenan na Yemen tin meta pa subraya e mensahe mas amplio pa Iran cu Washington ta tene Tehran responsable pa arma, financia y train e cantidad di milicia – desde Hez-

bollah na Libanon, Hamas na Gaza, Resistencia Islamico na Irak y e Houthinan na Yemen – kende ta tras di atakenan na Medio Oriente contra Merca y interesnan internacional.

Video comparti online pa hende na Sanaa ta inclui e zonido di explosion y al menos un explosion a keda mira iluminando shelo anochi. Residentenan a describi e explosionnan como sucediendo rond di edificacionan asocia cu e compleho presidencial Yemeni. Agencia noticiero estatal controla pa Houthi, SABA, a reporta atakenan na provincianan al-Bayda, Dhamar, Hajjah, Hodeida, Taiz y Sanaa.

Algun ora prome cu e operacion conhunto mas recien, Merca a ehecuta otro atake di defensa propio riba un sitio na Yemen, destruyendo seis misil crucero anti-barco, manera a haci repetidamente ora a detecta un misil of drone cla pa lansamento. E dia prome cu e atakenan, e destroyer Mericano Laboon y avionnan F/A-18 for di Eisenhower a tira abao siete drone lansa for di areanan di Yemen controla pa e Houthinan den Lama Cora, y e destroyer Carney a tira abao un drone lansa den Golfo di Aden, y forsan Mericano a destrui cuatro drone mas cu tabata prepara pa lansamento.

E atakenan di e Houthinan a pone cu companianan marítimo mester a desvia nan barconan for di Lama Cora, mandando nan rond di Africa door di e Cabo di Bon Speransa – un paso hopi mas lar-

go, mas costoso y menos eficiente. E menasanan tambe a pone Merca y su aliadonan prepara un mision conhunto unda barconan di guerra di nacionnan participante ta provee un paraplu protectivo di defensa aereo pa barconan mientras nan ta biaha riba e ruta marino critico cu ta core for di Canal di Suez te e Estrecho Bab el-Mandeb.

Durante operacionnan normal, como 400 barco comercial ta transita e sur di Lama Cora na cualkier momento.

Despues di e atakenan diabierna na Irak y Siria, Hussein al-Mosawi, vocero pa Harkat al-Nuajab, un di e milicianan principal cu sosten di Iran na Irak, a bisa cu Washington “mester compronde cu cualkier accion ta genera un reaccion.” Pero den un entrevista cu AP na Baghdad, e tambe a asumi un tono mas conciliador: “Nos no kier escala of expande tension regional,” el a bisa.

Oficialnan Iraki a purba di controla e milicianan, mientras tambe ta condena e atakenan di represalia Mericano como un violacion di soberania Iraki, y a exige e salida di e 2,500 trupa Mericano cu ta na e pais como parti di un coalicion internacional pa bringa e grupo Estado Islamico. Luna pasa, oficialnan di ehercito Mericano y Iraki a cuminsa negociacionnan formal pa reduci presencia di e coalicion, un proceso cu probablemente ta bay dura varios año.

President di Kenya ta culpa corrupcion y incompetencia pa e bala di candela cu a herida centenares na Nairobi

(AP) - Kenya su president ta bisa cu corrupcion y e oficialnan su incompetencia a permiti pa un planta di petroleo likido opera den un di Nairobi su barionan residencial mas druk, unda su explosion y candela a causa e fayecimento di 3 persona y a laga mas di 280 otronan herida.

President William Ruto a bisa cu e oficialnan cu a duna licencia na e planta mester keda despedi y procesa criminalmente. Polis tambe ta buscando e doñonan di e planta.

Por lo menos 24 persona a keda criticamente herida ora cu un bala di candela grandi a surgi for di e planta diahuebs atardi y a plama rapidamente den Kenya su capital, kimando



casnan y warehousenan. Algun cilindro di gas a ser manda centenares dim meter leu, cuminsando candelanan separa. Aunke na e momento di e candela e planta tabata operando ilegalmente, Ruto a bisa cu si a otorga algun licencia pa e planta di gas opera den e area

residencial.

“E tabata hopi cla cu e tabata e cos incorrecto pa haci pero a causa di incompetencia y corrupcion nan a otorga e licencianan,” Ruto a declara. “Awe, nos tin heridonan, nos tin ciudadanonan di Kenya cua

fayece. E personanan involucra den esaki, e ministerio mester tuma accion inmediatamente contra di nan y nan mester keda despedi y procesa pa e crimennan cu nan a comete,” el a agrega. National Environment Management Authority Board a bisa den un declaracion cu nan a suspende 4 oficial, incluyendo e director di cumplimiento ambiental. E president di e directiva, Emilio Mugo, a pidi polis pa investiga nan 4.

Hefe di polis di Nairobi Adamson Bungei a bisa cu tambe nan ta buscando e dononan di e planta. “Nos ta buscando nan pa interogacion,” el a declara.

E planta na Nairobi su barrio Embakasi a ser derumba dos biaha y e doño a ser declara culpabel di opera un negoshi di yena gas ilegal den mei sinembargo a sigui opera, segun oficialnan a reporta diabierna. Esaki a trece dilanti sospecha, den un pais unda corrupcion ta un endemia, cu soborno a ser paga pa ignora e operacion.

Kenya ta considera entre e paisnan mas corrupto den mundo, kedando den posicion number 126 di 180 den e lista di nacionnan di Transparency International su indice di corrupcion pa aña 2023.

Gobernador di Banco Central di Turkia ta retira despues di acusacion di uso inapropia di poder



(AP) - E gobernador di Turkia su banco central a retira lunanan despues di a cuminsa den e puesto a causa di acusacionnan di uso inapropia di poder y interferencia di famia den e operacionnan di e institucionnan financiero.

Hafize Gaye Erkan, ken a subi e puesto di gobernador di banco central den juni tabata e banco su prome hefe femenino. El a anuncia su retiro riba rednan social diabierna atardi bisando cu e ta victima di “asesinato di caracter” y lo retira pa spaar su famia mas angustia.

Luna pasa, un corant lider na Turkia a acusa cu su mayornan tabata eherciendo influencia dentro di e institucionnan financiero y cu su tata a hasta despedi un empleado di e banco. Acusacionnan cu Erkan a nenga rotundamente. Na e tempo aki, e President Recep Tayyip Erdogan a tuma un

posicion di sosten pa e gobernador, yamando e reportahe di media como “rumornan irracional designa pa destrui un clima di confiansa y estabilidad den e economia cu nos a logra via gran dificultad.” E president di e pais a despedi gobernadornan anterior pa resistencia na e president su insistencia cu interes mas abao lo combati Turkia su inflacion.

Economistanan a culpa su politica di economia cu no ta convencional na un aumento drastico na e costo di bida, cu hendenan sin e habilidad di por cubri gastonan di cuminda, cas y otro necesidadnan. Sinembargo, Erdogan a cambia curso ora di gana eleccion den mei, scogiendo un ekipo economico nobo y a scoge Erkan como e gobernador nobo. Bao Erkan su funcion como gobernador, e tasa di prestamo a aumenta di 8.5 por ciento na e 45 por ciento actual, e aumento aplica mas recien siman pasa.

FLOOR MANAGER

Requirements:

- * Bachelors Diploma in Business Administration
- * Industrial and Production Engineer Diploma is a plus
- * Competitive Salary
- * Full Time Job
- * Flexible Hours
- * Experience is a plus
- * Training will be provided

Scan for Job Responsibilities

Interested candidates please submit your resume to hr@doit.aw

SUPER Doit Center